

中國方志叢書·華北地方·第三二九號

據明·孟鵬年修郭從道纂  
明·嘉靖四十二年抄本  
影印

甘肅省

# 徽郡志



成文出版社有限公司印行



\*10098576\*

中華民國五十九年二月壹一版

# 徽郡志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

徽郡志叙

徽郡志成郡守洛川孟侯走使隴西問前臺史能以  
言失徽古河池地在昔為郡為縣為亭或隸山南或  
隸蜀廢置沿革代不相襲

明興仍元舊建州隸府領縣一蓋要會之區也志久  
湮微罔所撰次乃洛川孟侯鳴騶初首先舉焉延鄉  
大夫省亭郭君成之分局列類義例截如循事考實  
區畫燦然是故輿地經野也建置體國也祀典和神  
也田賦治人也秩官則建官位事之典昭矣選舉則

實興賢能之制章矣人物則宗德而重道藝文則崇雅而黜俗發幽隱之逸蹤達昭曠之芳躅可以述古可以徵今可以昭往可以信來厥維躔且良哉夫事不關乎興廢者雖博弗經義無切於勸懲者雖文弗紀故雅淫並陳國風之訓也淑慝具載春秋之筆也矧志者記也史之支輔也所以經紀乎世道者也是故記古今記龐靡記利害記賢不肖記不同而闕政教之興廢則同也古可法今可鑒龐可敦靡可祛利可趨患可避賢可法不肖可戒政教不同繫人心之

勸懲則同也是故善志者在能感善感者在能興尚  
象制器者工師之程也冥會神解者哲匠之巧也緣  
墨而注刃拙工也徇形而揮斤凡技也非可與於感  
興之妙也夫徽鞞之支郡群山環峙碧流襟帶固隴  
右雄鉅之土比因牧圉匪人供億繁 奸蠹蝟積干  
請紛興黠慧之吏徃徃乘以 罷夫被徵呼之急  
比落含瘡痍之傷干是碩鼠之刺深蒼鷹之憾劇民  
與吏如仇讎茲可不審其故耶審斯志志斯感感斯  
興機相應道相通也是故臺史稽之以觀風撫巡執

之以匡俗監司采之以宣令守牧勉之以昭勲師士  
法之以貞教章志云爾否則徒攬歷代因革之畧而  
昧古今興廢之實徒侈一時民物之盛而忽百世勸  
懲之典棄根核而繁枝葉君子以為贅疣矣是豈

聖王建國體民之意哉侯名鵬年河南洛陽人刺徽  
南晬卓有循良風民方依若怙恃俄以遷告代熊於  
是彌益感焉故書之以告嗣有政教者云

朱圉山人前監察御史隴西劉應熊撰

徽郡志目錄

- 輿地志一  
建置志二  
祀典志三  
田賦志四  
秩官志五  
選舉志六  
人物志七

省亭山人郭從道編集

卷之三

藝文志八附祥異 遺事 仙釋

志例

一系年自某年實錄前古莫稽者不敢附會不書

一志為郡脩載止郡事所隸兩當縣自有收錄不

書

一事多徵全陝通志鞏郡記二書成於近日詳且

定也

一宦跡人物悉訪耆舊徵諸遺文不敢誣不敢私

有公論焉



一郡中宦者

誥勅不載止錄其人之名氏云

一揭書事下間有膚見論斷尚俟後之君子正焉  
官師論事直書其名蓋志乃史例臨文不敢諱  
也

一宦者必於去後賢者必於世往然後詳述所以  
俟其定昭公道也

一境內淫祠不書崇正教嚴風化也

太學生張 綬輯畧

徐君 六

金

二

郡學生任 鵬

張鶴年

孫光庭

惠迪吉

張雲鵬訂正

徽郡志卷之一

省亭山人郭從道編集

輿地志

從道曰徽自漢魏以來為河池地往蹟可考 明興

置郡顧山河佳麗風物宣朗且介於隴蜀之間天  
然四塞寔稱形勝視他郡止多讓焉故首志輿地

沿革

徽為鞏昌府屬郡在昔禹貢雍州之城兼梁州地春  
秋時氏羗所居戰國及秦為隴西郡地漢武置河池

縣屬武都郡初始元年王莽更為樂平亭東漢復為  
河池縣後臨於氏羗後魏置廣化郡及縣開皇初郡  
廢仁壽初縣改為思安縣南齊割西和縣白石峪地  
隸河池西魏置落叢郡又置歸真郡其屬有長舉鳴  
水二縣隋初置河池縣隸山南路唐宋因之中興後  
隸利州西路乾道中興元帥兼領之又置防禦使紹  
興初川陝宣撫司治此元置南鳳州至元初改為徽  
州 國初平定陝西耆民李玉歸附仍置徽州領縣  
一曰兩當編戶六里後增至一十九里今以西和里

改附西和縣存一十八里按舊志云山峯秀美故名徽

星野

徽疑在井鬼之次按漢天文志秦地東井與鬼之分野也

疆域

在本府東南六百里東至兩當縣七十里笈箕鋪界南至畧陽縣五十里大石碑界西至成縣五十里橫川鋪界北至秦州一百一十里木廬鎮界袤延五百里有奇

形勝

改附志

卷一

諸山環峙兩水合流東接連雲西達仇池北倚紫金

南通白水關隴之襟喉巴蜀之門戶

山川池峪附洞崖

允山在廢粟亭縣境堯分命和仲宅西曰味谷鄭康成曰西者隴西之西今人謂之允山見一統志

方山西北四十里晉武都氐羗揚飛英青泥山南二

又曰青泥嶺五代李廷珪拒周兵不克退保此唐道襲為山南節度使會李茂貞寇蜀道襲據此以死守

之茂貞自是不敢窺山南矣一統志唐史瑜詩溪從沮水流嶠嶺接青泥入劍天宋趙抃有詩

鐵山南四十里其山似巾又名巾子山懸崖萬仞時

甫明提學伍福鍾樓山開府吳玠墓志碑墓在靜寧

州南一百 鳳凰山 城西二里 又云其山如鳳 昔有鳳凰見於 宣靈王	廟副使馬伶倫 山南十五里 其山石壁聳 紫金山北	紀有詩 出如優伶舞 臨狀因名 紫金山北	十里一統志云 有水堰天池 池東南三十里 上有雞冠	入於漢中為山河 堰天池池寬廣而水淵玄	山西五十里 土宜長春山 西三十里 亦曰梨坡 上有	陶治居民資之 懸崖觀有泉 郡人任繼賢	有詩 天門山 東南五十里 其陽山 東南一百 寶鳳山南	里上有東大小山 其山有小籠山 西七十里 雲霧山	嶽行祠 大小山 沙如鹽 小籠山 西七十里 雲霧山	東一百里 花屏山 東南九十里 長峪山 東二白崖山	高多雲務 花屏山 東南九十里 長峪山 東二白崖山	西二十里 石壁峭拔 其色若海龍山 北三十里 夜明	粉上有懸崖 道遺跡存 海龍山 北三十里 夜明	山東北九木皮嶺 西十里 唐黃巢之亂 王鐸置閣於	此以連秦隴路 山極險阻 唐杜甫
--	----------------------------------	------------------------------	-----------------------------------	-----------------------	--------------------------------------	--------------------------	---	----------------------------------	---	--------------------------------------	--------------------------------------	--------------------------------------	------------------------------------	----------------------------------	-----------------------

後月心

卷一

三

自同谷經粟亭積草嶺北四十里黃曲嶺北八蟠龍

度此入蜀有詩積草嶺北四十里有詩黃曲嶺北八蟠龍

嶺南十福堂坡里西五滴水崖南五十里宋淳熙間野

簞把雙龍崖今存碑跡游仙崖一統志昔有石碑崖

釣竿雙龍崖今存碑跡游仙崖一統志昔有石碑崖

南四十里路碑記月樣崖如半月形銀椿崖東北五十

開白水石柱如銀光觀音崖在破口上建觀音閣有

色映日其傍有洞觀音崖水穿崖而下清冽可觀

恤刑郎中陳棊題曰春生玉龍頭崖南四鶉鴿崖南

峽又曰龍洞竹雲仙崖蘿月龍頭崖南四鶉鴿崖南

里多穴窟古佛崖南四燕子崖南十白水峽南四江

口峽東北五雲煙峽北三殺金坪南七十里吳璘和

尚原在殺金橫渠峪西北四索蘿峪北四漫水峪西



里十內黃峪北八東峪十東六長峪十東二火鑽峪十北六沙

馬峪十北五石渚峪北七里俗訛為老鴉峪十東二金蓮

洞西七十元劉道通脩煉於此國首陽洞南一四名十

烏龍洞宋棲真洞一統志洞有石榻紫金洞十西北八

魚洞雲罩浮魚盈洞而出人競取之煙五仙洞有公孫氏

脩仙於此洞羅漢洞以南五里四面陡絕崩裂石門

龍洞南三十里天將雨巾子山洞在鐵山中藥水洞

南七十里紫陽洞內有丹爐鐵鼎高巖洞北三煙霞

有湫池紫陽洞內有丹爐鐵鼎高巖洞北三煙霞

洞春在長紅崖洞西六白馬洞西五十里八角潭志一統

欽定

卷一

四

潭上有八嘉陵江東南五十里一統志發源大散關

江入蜀唐雍陶永寧河東四十里地埧河西五忠義

水南門孝廉溪東門環碧溪北門左溪水文獻通考

廢鳳溪水隋志云在涪水按玉海地理志太白池東

十里週五十畝眾山環遠宋元豐間禱雨有應奏聞

于朝封顯應侯洪武初禱雨有應郡守王建中為立

祠馬蓮花池南十里文池南二十龍池西南二十里漢

此池北門外知州舒良材創鑿周園繚垣移植

資遊覽良香泉北街小官井在北街涼泉比大門

川北二栗亭川西三思義川東南七橫川西四江口

川東六里上川北二里中川北十里下川南五里以上三川  
絡土田沃饒春時花柳蔥鬱題曰三川煙柳誠勝地也  
從道曰吾徽三川昔如此其美矣近年日漸衝  
崩存者無半回視五六十年  
真桑田滄海也吁可傷哉

里社

坊下 永寧 栗亭 大門 豐閏 舊城 中川

東峪 梁村 長峪 西市 地埧 泥陽 思義

鐵山 興仁 敦孝 崇信

從道曰里甲差役應役者皆預集城中但有公需則

湊銀買辦故謂之輪流錢嘉靖八年巡撫劉公按

徵察其用之濫也別為定例每歲預審百姓之貧富戶則之高下人丁之多寡派徵丁銀若干數貯官收用登簿備查而百姓不妨其業財力兼省法何良也行之既久後來者既徵丁銀復派輪流以輪流之錢塞丁銀之數丁力之銀入私囊輪流之錢給公用是以節省之法而增侵漁之計則貧民以一人而應二人之差一年而受兩年之累民苦莫極而時事可憫者為尤甚也近者里甲稱蘇矣又不知將來者得如今日否也故曰有治人無治

法信然哉

村鎮

永寧東四里栗亭西三里銀杏北十里峽口北三里火鑽北六里

有御史行臺 穆家北八里木廬北十一里賀家北三里橫川西五里

泥陽西七里小河南四里青泥南三里

風俗

西漢地志曰脩習戰事高尚氣力以射獵為生隋書

地志云性質直務農事工射獵於書計非其所長郡

國志云質直好義務農力穡接壤西岐有邠風之餘

方輿勝覽云其人性直然尚儉約習仁義勤稼穡多畜牧無復盜寇有金方之氣

從道曰徽俗舊淳朴重禮讓負氣者多好鬪務農與

逐末相半市人業農人鄙笑之近者大不然矣人

情視昔多機變爭尚文靡婚喪益事儉薄雖細人

亦尚虛華但無復鬪者七大夫之家亦業農前絕

無織紡事今間事織紡矣蓋生事日薄而思以反

本也且移民居多相染視多趨於淫巧必有道

君子為之一更化乎

遺蹟

河池廢縣

南鳳廢州

俱今州治宋陸放翁有詩

廣化廢縣

栗

亭廢縣

北三里長舉廢縣

南七里鳴水廢縣

南一百里永寧廢

縣

縣今東四十里即

仙人舊關

在殺寧巷廢所

洪武初開

洪武三十年因漢中田

青泥廢驛

在青泥嶺

唐元構

驛題云山猶連蜀

黑水廢縣

南一百一十里

窺敵臺

在教金

窺之以青野原南六十里曹友聞與元

宋忠烈吳公

生祠 宋宣撫安公生祠

俱在仙人關有碑文

黃沙廢驛

近嘉陵江

碑刻大字題曰四川總領所黃沙驛新

長舉廢驛

倉記文字殘缺今田家河倉坪即是

長

長

舉縣故城內 魚關廢驛在今宋金紫大夫王氏墓在福孝堂

子程俊故宅在泥陽有宋紹興間旌表碑曹忠節墓在栗亭廢縣宋蕭

將軍墓在長舉廢縣有學錄白義山志銘王烈女墓西里米節婦墓

川在橫

八景御史楊美益題并詩雲洞山次人韻

鐵嶺情嵐見山金蓮仙洞見山宣靈異跡見廟嵩院

禪踪見建拒寇雄關見遺蹟嘉陵春漲見山太白龍湫

見山栗亭古里見村

徽郡志卷之一終



徽郡志卷之二

省亭山人郭從道編集

建置志

從道曰建置城隍以保民也匪城胡衛匪民胡守是  
故城以衛民氏以守城國家之全利也徽實全陝  
西南襟喉往承平日久城隍不為備蜀寇至即莫  
支矣一入徽遂肆志侵掠使城固而民得以守之  
寇何敢入曷敢滋耶今城隍視昔葺固恐久而復  
圯有隱憂焉茲志建置他皆類附

城池

徽宋元土城 國朝洪武初增脩週高一丈七尺三十步永

樂中知州楊懋成化中知州息清相繼脩葺正德六

年蜀寇入臨後知州侯種開拓包鍾樓山於其中城

乃壯三週分五里未幾就頽嘉靖元年府同知丁濬偕知

州白松奉御史許公鳳翔劉公狝檄增築高二丈土厚一丈

性善崩隨即坍塌環城置屋八百餘間門樓加葺東

京南通蜀西鎮嘉靖二十二年屋復漸敝知州

眺隴有進士王麒記

許釗撤而崇之增置四關門樓有知府賈近又崩圮

知州孟公鵬年復加補脩民壯二百五十名守之

州治

州在城西街即河池縣故址 國朝洪武初知州金  
堅創建永樂中知州楊懋成化中知州息清先後脩  
葺歲久滋壞嘉靖二十五年知州許釗崇建堂五楹  
中聽政東為協堂西為庫堂左為儀仗庫右為贊政  
廳堂後為公餘門為寅恭堂左仕學右工肆後為知  
州宅為觀禾亭東為判官宅西為吏目宅趨西為公  
廨堂前為露臺為墀左吏戶禮房承發司架閣庫右

兵刑工房鋪長司各十楹甬道中為戒石銘亭前  
 為儀門左右為角門為養廉倉門外左為土地祠祠  
 後為獄前為大門左右為旌善申明二亭視昔規模

加弘闊矣

有禮縣尹前  
進士高光記

知州一員

從五品

判官一員

從七品

吏目一員

從九品

刑戶

司吏各一名六房典吏各一名  
承發架閣鋪長各一名

學校

學在東街鍾樓山之麓洪武七年知州金堅創建永  
 樂十二年判官孔仕通成化七年知州孫蕃成化二

十三年知州劉濟嘉靖三年知州白松朱純相繼脩  
葺中曰明倫堂壁刻

御製臥碑左為興詩成樂齋右為立禮齋祭器庫趨  
東為儀門直南為庠門

學正一員 訓導二員

廩膳三十名增廣三十  
名附學不限數惟其人

敬一箴碑亭在明倫堂後

書籍

御製大誥 為善陰騭 孝順事實 五倫書 五

經大全 四書大全 性理大全 大禮集議 大

欽定四庫全書

卷二

三

禮纂要 全陝舊志 武經七書 醫方選要

徽山書院御史顧公堅更名儒學公廨在北街鍾樓

山麓與學宮相聯嘉靖十三年御史劉公良卿胡公

守中相繼發帑改社學射圃地創建講道堂五楹廂

房號舍三十楹前有儀門大門

脩撰康海提學副使龔守愚記

公署

察院在東街有中堂後堂左希仁亭右小景亭堂前

為臺為墀為東西序為儀門大門

布政分司在東街有堂後堂東西序儀門大門

按察分司在南新街堂序門垣如布政司制

府館在州治西有堂東西序門

御史行臺在火鑽鎮有堂有室有門有屏嘉靖十七

年巡茶御史沈公越檄知州王時雍創建禮部侍郎  
呂柟記

分司在行臺右即批驗所舊基

分館在木廬鎮有亭有序有門嘉靖四十二年知州

孟公鵬年建

公儀

聖誕冬至正旦節知州帥僚屬先一日習儀至日黎

及節

卷二

日

明俱於州行

朝賀禮如制 進

表箋擇上表吉日行禮進送如制

朝廷遣使開讀 詔勅知州帥僚屬如 朝賀儀

新官上任如儀 鞭春 鄉飲 救日月俱如儀

雜屬

徽山驛在北街有堂後堂東西序有庫獄有門豎駐

節坊 驛丞一員名吏

虞關巡檢司在州南五十里堂序門垣如制



一員吏一

批驗茶引所原在火鑽鎮移於州治西街嘉靖三十

七年巡茶御史梁公劄改建白水江 大使一員攢典

一名 稅課局在西街 大使一員嘉靖初年裁革 陰陽學

在北街 典術一員 醫學在北街 典科一員

僧正司在北街觀音寺僧正缺 社學四街各一所

銀杏 永寧 栗亭店各一所 預備倉在北街

演武教場在北門外有堂將臺有壘有射侯有門

坊牌

政邦志

卷二

五

卷之三

育賢坊 儲才坊儒學左右肅察坊 貞度坊察院左右龍誥

褒封坊為孫珂經元坊為孫巨流芳坊為歷科舉人光祿

坊為梁端勅贈儒林郎坊為石玉街鳳鳴高崗坊為李朝陽四

科六鰲坊為孫光祖郭維价馬圖雲梯坊為孫珂金

封文林郎坊為任讓文英坊為任旒誥封地官坊為孫珂金

吾坊為郭珊鵬程坊 地官坊 貴州僉憲坊俱為道誥

贈地官坊為先大夫旌表貞節坊為先母進士坊 戶部

郎中坊俱為孫巨折桂坊為張鳳司徒坊為樊亨攀蟾坊

繡衣坊俱為文獻步蟾坊為高儒毓秀坊為于海登瀛坊為

雍觀光坊為楊浩以上八坊俱廢

鋪舍

總鋪在城太白鋪東二里永寧鋪東十里栗亭鋪西十里橫川

鋪西五里

橋梁

孝廉橋東門外知州督民建忠義橋南門外知州督民建葛通川橋

西門外知州建環碧橋北門外從道建并題

郵政

養濟院前在倉漏澤園一在東關一在西門外今廢

段市志

卷二

六

在鳳凰山麓  
淡世清翰地

徽郡志卷之二終

徽郡志卷之三

省亭山人郭從道編集

祀典志

從道曰禮莫大於祀祀者示民以敬 國家重典也

先王制禮崇廟栖神而度數儀文罔弗備悉示知  
重也明興二百年禮樂制作迥出三代至於建啟  
聖之祠正先師之號此我

聖天子千古獨見海內志文敬得收攬今志祀典尤  
其所重焉

文廟在明倫堂之前東西有廡前為戟門為泮池左  
 右有碑亭前為靈星門洪武初知州金堅創永樂十  
 二年判官孔仕通成化七年知州孫蕃二十三年知  
 州劉濟開拓嘉靖六年知州白松朱純奉巡按御史  
 段公汝礪劉公濂檄增脩知州王時雍舒良材相繼  
 葺焉大學士劉健提學副  
 使唐龍修撰康海記

祭器

銅爵十一百五 白鐵香爐十四 白鐵燭臺二十 燭剪一壘  
三 豆十四 帛櫃三十 木燭臺八十 盤五十 祝一 敵一 麾

幡一木香爐花瓶七件俱知州  
王時雍增置

啓聖祠在文廟左嘉靖十年知州周璋奉

今上皇帝建立修撰康  
海記

名宦祠在泮池左祀宋開府吳公玠宣撫吳公璘

國朝知州劉公濟侯公禔知州孟公  
鵬年重建

鄉賢祠在泮池右祀宋都統制曹公友聞孝子程公

俊 國朝知州高公斗南知縣任公旒知州孟公  
鵬年重建

李公祠為分巡僉事李公璋建參政張  
潛記

### 壇壝

後君云 卷二

社稷壇在西門外中為壇有齋所舊有庫厨今地

風雲雷雨山川壇在南關如制

郡屬壇在北門外如制

### 廟宇

城隍廟在北街正殿三楹寢殿三楹前後有序 中

門大門有坊洪武七年知州金堅創景泰中知州武

桓弘治中知州溫璋嘉靖中知州朱純許釗相繼重

### 脩

宣靈王廟 在鳳凰山宋紹興中勅建按圖經唐僖宗幸蜀至鳳州白石鎮响猶未膳有隻迎



醴麴藥上問其來曰居父子谷問姓名不知對因賜金幣送至其谷惟有古廟父子列像其中乃知叟為神也賜爵曰忠護侯上途行會有風雨大至碍阻難進遂憶子未封賜爵曰忠嗣侯宋開禧中吳曦守河池有異謀久欲叛宋附金曦黨有夢謁于神者見曦跪神前神曰可行則行後段付之安丙後曦果叛安丙歆誅之未決因憶前夢乃曦之魄已為神所奪也踰月而誅事聞賜爵曰昭顯孚佑忠應宣靈王子曰順惠協濟衍慶嗣利王賜廟額雲長祠在北杜少陵祠曰靈感有宋元勅九通刻石街在杜少陵祠在栗亭西正德中烈女祠曹氏久廢嘉靖四十年御史潘公倣建烈女祠南三岡祀宋烈女鄉民倡義募工重脩元節婦米氏明烈女工校兒附祀

寺觀

觀音寺

在北街凡遇慶永昌寺一名北禪寺北三

文

卷三

宗封僧人張氏為真慧國師掌國師印國朝洪武初  
天下僧冊皆貯於此寔勝區也歲久傾圮僧冊遺失

予昔讀書其中曾許重構之近竟為新建視昔  
改觀時嘉靖三十三年孟秋朔日也從道志 慶壽

寺北一白塔寺西五弘化寺北二真如寺西四興善

院西半里宋紹興故址今東嶽行祠在寶三官廟東  
重脩郡人任倫有詩

奇關山岡知州葛之迎旭觀南一紅崖寺東七口普照  
改三元書院

寺西二聖壽院西三十里宋端拱中建舊號粟亭三  
十里鎮院熙寧元年勅賜壽聖額

泉寺東四十里永寧鎮東松竹叢茂石崇福寺東四  
裂三泉清湧可嘉亦州之勝槩云

林一名柳明智院南五十普化院東四十普圓寺西四  
寺

一名嵩寺唐明德中建宋慶元五年重脩崇寧三年  
勅賜普圓寺額其山高大突屹倚空崖壁蒼翠狀如

削石中有一崑如半月高石餘丈深五六丈闊二  
 十餘丈石縫有泉流消消崑西南有石門高二丈深  
 五六丈為入崑路崑上卧如像前一石鏡光色隱  
 映傍有雙石竅世日為天猫眼崑上有洞穴數處空  
 竅幽悶傳有神物所居人畏不  
 敢入遇旱祈禱輒應見石碑

後序

卷三

四

借君志

卷三

四

徽郡志卷之三終

徽郡志卷之四

省亭山人郭從道編集

田賦志

從道曰田有常制賦有定法但法久弊生田漁於兼

并糧蠹於飛詭田賦始弗均矣志田賦俾為永考

田畝

官民地凡三百五十頃六十九畝一分一釐

稅糧

夏稅小麥正耗一千二百三十三石五斗四升七合

改訂志

卷四

一勾九抄二撮

秋糧粟米正耗一千二百八十三石八斗四升四合  
三勺六撮

農桑

桑八百五十九株徵絲二十一斤七兩二錢 綿五  
斤六兩三錢 草二千六十三束八斤五兩五錢三  
分九釐共折價銀五十兩二錢一分二釐五毫

戶口

嘉靖四十一年上中下民軍雜役人戶共二千二百

三戶丁一萬七千七百九十三丁口七千四百八十七口

從道曰 國初徽原六里後生齒頗繁至成化二十年關中大饑移食於徽者又以萬計知州息清請增之復編新里一十有三共一十有九增其賦役分為新舊舊里役重新者半之遂為定例於是舊里之民多有入新里以圖其輕者繼而新里之民又多東歸而後來數值凶荒新舊之民餓死移去者又十之六七其實里有名而無其實新舊之民

因之俱受困焉大抵增其里益其事而民乃見其  
 轉損矣况又割去西和一里土田日瘠民貧徹骨  
 百徵併出問閭蕭索目擊傷心如之何其可也嗚  
 呼拯救通變之術吾於司牧者有望焉

徭役

銀差共銀二千三百八十五兩  
八錢八分五釐五毫

文廟春秋二祭銀三十兩 社稷壇二祭銀一十兩 風雲雷

雨壇二祭銀一十兩 郡屬壇三祭銀一十兩 啟聖祠二祭

銀五兩 名宦鄉賢祠二祭銀四兩 芒神土牛春花桃符銀一兩



兩鄉飲二次銀四表箋三次銀二十毛襖銀四兩綿

羯羊五十一隻銀五十四兩七錢七分四釐大尾羊一隻銀八兩

分毫釐秦椒銀十雄黃銀五盤纏銀一分兩年例銀六

十一本州儒學齋夫銀七十膳夫銀三十王府婚喪料

造銀八分九釐三毫歲貢盤纏銀七十臨鞏兵備柴薪

二名銀四十本府柴薪三名銀三十本州知州柴薪

四名銀四十八兩本州止編銀二兩判官柴薪二名

銀二十吏目柴薪二名銀四十兩肅府長史司柴薪四

名銀四十肅府新添典膳柴薪二名銀四十兩按察司

數第志

卷四

三

馬夫一名銀四兩本府馬夫三名銀一百兩本州知州判

官吏目馬夫三名銀一百兩河西店子墩子坪鋪兵十

名銀三十兩河西沙井兒鋪兵二名銀六兩肅府民校二名

銀二十兩變染青布價銀一兩七分蘭州河橋水夫一十

二名銀七十兩黑松林驛館夫五名銀三十兩武勝驛館夫

四名銀二十兩肅州倉斗級一名銀二十兩茶夫銀二百六

九股樹弓兵一十五名銀七十兩安山遞運所防夫二

十五名銀二百兩冠服價銀三十兩西德民校一名銀一

兩公費銀一百兩河西行都司儒學齋夫二名銀四十兩階

州鐵料兩四錢二戶口食鹽五錢一百分十九兩孤老銀十

力差歲徵銀四百三十八兩七錢

預備倉老人一名兩准銀一徽山驛館夫三名每名准銀四兩

鋪陳庫子一名六准銀兩秦州兵備道兒隸一名四准銀兩本

府兒隸五名每名准銀三兩五錢察院門子二名每名准銀一兩五錢布

政按察司府館門子各一名每名准銀一兩五錢本州看監禁

子五名每名准銀三兩茶引所秤子六名每名准銀二兩五錢虞關巡

檢司弓兵三十名每名准銀二兩五錢本州機兵三十名每名准銀

三京料兩大戶一名十准銀兩湯羊大戶一名八准銀兩年例大

戶二名每名准銀五兩蘭州廣積倉斗級二名每名准銀三兩

文廟門子儒學門子共四名每名准銀一兩五錢祭器庫子一

名准銀一兩社稷壇風雲雷雨壇郡厲壇門子火鑽公館

門子每名銀三錢准本州各官下阜隸二十二名每名准銀二兩

官倉預備倉斗級四名每名准銀三兩徽山驛斗級二名每名

准銀二兩在城等五舖司兵共二十六名每名准銀二兩官學倉

肅州倉永濟倉豐贍倉夏秋糧大戶共十名每名准銀一兩

河橋大戶一名准銀一兩匠價大戶一名准銀五兩收頭大戶

四名每名准銀一兩草涼驛防夫三名每名准銀九兩本州各官下

門子四名每名准銀五錢直堂庫子二名

鼓手

名每名准銀一兩

站役

徽山驛中馬二匹下馬二匹驢頭六匹秤鈎灣遞運所牛

會寧遞運所牛十一隻三岔遞運所牛十一隻野狐嶺遞

運所牛十隻西鞏遞運所牛三隻

課貢

歲權商稅銀共七十四兩四分 課程銀一十二兩

從道曰徽輻輳之地水陸之衝也往昔頗稱繁華大

敘事志

卷四

五

抵久則人情樂便而近來川蜀之貨歛東者皆自  
 陽平關出鳳翔歛西者皆自置口出臨鞏登白水  
 江而來徽者才十之二三耳昔花馬池之鹽由徽  
 入蜀者全蜀食鹽皆為之仰給今蜀中有井鹽而  
 鹽利又阻矣於戲市井蕭條民無生理殆不可以  
 昔日之徽視徽焉可也

上產

穀類

黍

稷

稻

粱

粟

麥

來麩

秫

苳

芝麻

胡麻

菽

黃黑豌豆  
紅小賓青

蔬類 笋 芥 芹 葱 韭 蒜 蔓菁 菠

萵苣 白菜 蒼蓮 蘿蔔 芫荽 薑蒿 玉瓜

菜瓜 甜瓜 絲瓜 西瓜 瓠 葫蘆 姜豆

刀豆 蕨 苦苣 藟 冬瓜 扁豆 茄

果類 桃 李 杏 梨 柿 石榴 葡萄 核

桃 楸 棗 銀杏 栗 櫻桃 柰 玉黃 榛

子 軟棗 菱角

木類 松 栢 榆 柳 柘 槐 桐 楸 白

楊 青杠 椿 楮 移 唐棣 荆 棘 鉄杠

散部

卷四

六

苦檀 烏桑

竹類 金竹 石竹 苦竹 木竹

花類 菊 六月菊 萱 蓮 玉簪 石竹 薔

薇 牡丹 芍藥 五色葵 雞冠 探春 長春

月季 十樣錦 旱蓮 十姊妹 千葉榴 粉團

珍珠 串枝蓮 木荆 紫荆 海棠 金銀花

玉盤掌 金鵝 碧蟬 醉楊妃 地棠 芭蕉 紅

葉 錦蟾蛾

藥類 黃精 山藥 何首烏 牽牛 南星 半



夏 天麥門冬 蒼朮 白芨 赤白茯苓 益母  
草 忍冬藤 葶麻子 葶藶 蒲公英 紫蘇  
白芥子 款冬花 瓜蒌 茵陳 茴香 杜仲  
牡丹皮 薄荷 車前子 五味子 五倍子 馬  
兜鈴 谷精草 澤瀉 地榆 百部 荆芥 地  
骨皮 芍藥 酸棗仁 葛根 葛粉 烏藥 菖  
蒲 蒲黃 防己 木通 柴胡 猪苓 牛膝  
升麻

畜類 羊 馬 驢 騾 豕 犬 猫 牛

才才  
才才

獸類 鹿 獐 狐 狸 獾 兔 虎 狼 熊

山羊 野猪

禽類 鸚鵡 鶉鴒 錦雞 雉 黃鸝 雁 鸛

水鴨 鷹 鷄 鶻 喜鵲 雀鳶 鳩 脊鴿

布谷 催歸 慈烏 鴉 杜鵑近始有之 雞 鷺

鴨

鱗類 鯉 鯽 鱖 紅鱗 細鱗

介類 蟹 螃 蚌 蚌

虫類 蚕 蜥 蛇 蟋 蟀 蝦 蟻 蜂 蟻

蛙 蛾 蝶 蚯 蚓 青 蜓 羗 螂 蠅 蚊  
貨 類 蠟 蜜 絲 綿 紅 花 茜 草 椒 鐵  
鉛 瀝 青 靛 麻 皮 毡 紙

新刊  
三六

徽郡志卷之四終

奉兩院批允查明茶夫地糧數目

州北六十里火鑽峪係運茶要路舊制設有茶引所衙門在焉其漢中府所屬五州縣課茶俱由此地運送秦州三十五里店交割先年議在秦州秦安清水禮縣四處僉編運茶腳戶劉文光等百有餘名住居本鎮除支領工食外任其開墾荒山砍伐林木自本鎮至滴水崖南北亘七十里東西濶二十里地未入冊糧未起科是以相傳為茶夫地云后運茶議罷而茶戶之子姓相沿開墾遂為世

業並未徵糧至萬曆三十三年西鄉縣復運茶到  
州議添茶腳前任知州申請布政司批允在本州  
一十八里每年派銀貳百陸兩叁分刻入條鞭規  
則內遂為歲額州民苦之王秉查知前地於三十  
八年間狀告

兩院批行 分巡道董 暨本府刑廳轉委禮縣知  
縣尹煥不憚勞瘁履畝丈量計實在川地共壹萬  
貳千玖百壹拾陸畝柒分肆厘每畝折銀叁厘該  
銀叁拾捌兩柒錢伍分貳毫貳絲坡地共叁萬叁

千肆百肆拾柒畝玖分柒釐叁毫每畝折銀貳厘  
該銀陸拾陸兩捌錢玖分伍釐玖毫肆絲陸忽陸  
地共壹萬壹千伍百貳拾叁畝肆分叁釐每畝折  
銀壹釐該銀壹拾壹兩伍錢貳分叁釐肆毫叁絲  
以上三則共該銀壹百壹拾柒兩壹錢陸分玖厘  
伍毫玖絲陸忽內除去有主原糧壹拾壹石肆斗  
壹升玖合肆勺每斗該價銀壹錢肆分共銀壹拾  
陸兩壹釐壹毫陸絲外實該徵銀壹百壹兩壹錢  
陸分捌釐肆毫叁絲陸忽每年徵收在官如遇漢

中府運茶官到州令茶店戶照數支領取領狀附卷以備查盤如無茶到將銀貯庫以聽申請

茶院別項支銷永不派及闔州百姓呈府轉道申請兩院先蒙

按院徐批茶夫田地如議三等起科永為遵守又蒙

茶院張批火鑛峪茶夫田地從來遠矣後茶夫雖撤茶地故在小民視為閒田開墾種耕據為恒產不納官租以致運茶腳價貽累州民官吏曾不查



其原委歲歲編派劉印等耕無糧之地而闔州民  
有額外之征此王秉等不平而鳴也今該道着意  
清查再三批駁尹知縣不避勞怨履畝丈量使六  
萬餘湮沒之田數十年不決之事一旦清明輿情  
大快據議三等起科甚為妥當仍立碑入誌以垂  
永遠杜異日告辯之端繳本州知州左之禎遵奉  
於萬曆四十一年四月間督刊附入

63

イ  
フ  
・  
ア  
シ  
ク

二

徽郡志卷之五

省亭山人郭從道編集

秩官志

從道曰於戲官師職司教養政化所關士民之表治

亂之機厥職亦維艱哉淑慝罔備勸懲何徵茲述

一二用昭來鑒

節使

唐 嚴礪元和中山南西道節度使守興州興州之  
西為戎居歲備亭障實以精卒以道之險隘兵困於

食守用不固礪患之乃自長舉北至於青泥山又西  
抵於栗亭導江而下二百里運夫守卒悉皆利賴天  
子錫命賓僚吏屬等欲建碑頌德不果西鄙之人密  
以刊山導江之事刻石柳宗元有記

宋 劉子羽崇安人宣和中遷樞密院金人入德順  
羽以全蜀當守力勸張浚駐興州且自請奉命北出  
單騎至秦州會兵十餘萬人命吳玠守大散關扼和  
尚原賈世昌聚涇原兵於階成鳳三州以固蜀口分  
兵悉守諸隘處金人知有備乃去明年金人復聚衆

來攻張浚移治閬州子羽獨留河池調護諸將金州  
河池二鎮皆飢興元帥臣閉糴二鎮病之金人犯金  
州子羽出師掩擊死者不可勝計蜀地賴安子羽慷  
慨有才畧尤長於兵每戰輒有捐身殉國之忠歷官  
朝議大夫充徽猷閣待制彭城縣開國子食邑百戶  
寶文閣直學士卒贈少傅

胡世將晉陵人登進士第為寶文閣學士紹興十九  
年上命為宣撫使於河池兼營田使諸將拜賀世將  
語之曰愚素不習騎射不知虜情凡軍事一無改吳

宣撫之規各推誠心共濟國事可也世將精神明敏  
閑習吏治時大饑發糴賑恤撫黎稚戢貪吏脩溝渠  
蠲田稅政無不舉見通志

安丙字子文廣安人淳熙間進士自利西安撫司幹  
辦公事調曲水丞吳玘為帥知其才邀致之開禧初  
吳曦受金詔僭號建官稱臣於金以丙為中大夫丞  
相長史行都省事度不得脫陽與而陰圖之遂與楊  
巨源李好義謀誅曦乃陳曦所以反狀及矯制平賊  
自劾待罪函曦首級與違制法物所受金人詔印附

驛以聞朝廷初聞變乃密降帛書嘉丙才志期副委  
屬帛書未至露布已聞上下動色交慶加丙端明殿  
學士中大夫時沿邊關隘悉為金毀丙遺時相書謂  
西和成州天水宜脩堡屯兵金人決不敢進而河池  
殺金魚關皆大軍屯聚矣詔從之後韓侂胄既誅賜  
丙金器百二十兩細帛二十匹進資政殿學士  
元 武思信隴西人以都總帥提兵陝西戶口蠲賦  
納糧輸之魚關轉漕寶峯以給軍食諸將待哺嗷嗷  
船糧未達已卯總府承朝旨以河流湍悍漕運險

四命思信督夫匠疏導嘉陵江上流灘險以便漕運  
踰七旬而畢繼承命就督夫匠治行軍運糧陸路自  
武興而上脩一百八渡險路經秋涉冬計之八萬有  
奇脩懸崖閣道三千六百餘間橋梁六十四所避水  
患三百餘渡自是漕運流通行人不苦糧道不絕寶  
峯遂固蜀道即長驅而入矣

### 國朝

李璋錦衣衛人進士正德壬申自刑部員外郎遷陝  
西按察司僉事分巡隴右先是蜀盜入徽州民被荼



毒盜復熾將侵閬中璋馳至河池簡士民明斥堠嚴  
堡伍指麾甫定寇已薄昭化璋施正運竒列戍白水  
之許於要衝多設疑兵遣將築壘三常山下瞰百里  
寇至環視錯愕戒勿易乃退保畧陽璋復提兵蹙之  
寇遂奔蜀而微地不血一刃不遺一鏃秦隴安堵微  
父老感公建祠祀之時制帥撫按相繼薦公可屬大  
事因留撫輯再期始代

見羣  
郡記

守將

宋 吳玠字晉卿北地隴干人紹興初遷川陝宣撫

陝西志

卷五

四

於河池與金人對壘十年每戰有勝績常苦遠餉勞  
民屢汰冗員節浮費益治屯田救荒輸粟用兵本孫  
兵法決機變化如神務圖遠畧不求近利能保必勝  
御下嚴而有恩虛心請受雖終身為大將卒伍最下  
者得以情達故士樂為之死選用將吏視勞能為高  
下先後不以親故權貴撓之戰功屢著帝以功高屢  
加檢校少師遣內侍奉手札以賜至則玠病篤扶掖  
聽命及卒謚武安追封涪王西人思之而不忘咸立

祠以祀之見通志

吳璘玠之弟撫秦鳳安撫利州節度使乾道十年虜  
渝盟胡世將召諸將議咸勸少退青野原河池不可  
守璘厲聲折之曰懦語阻軍可斬虜所以輕犯我者  
聞吾兄亡謂我無權今我退必墮其計請以百口保  
破敵世將壯之虜至璘以驍騎敗之世將常問備金  
之策璘曰有新立疊陣法及以此法戰之士殊死鬪  
金果大敗朝主和議詔班師璘引兵還河池惟浩嘆  
而已於是諸地復為金取璘剛勇喜大節二十餘年  
隱然為方面之重帝親灑宸翰賜安民定功同德之

碑卒贈太師太傅封新安郡工追武順信王志通

吳挺字仲烈璘子也承命節制軍馬安撫河池等地  
虜渝盟盛兵渭上以挺為中軍統制經畧秦中軍政  
嚴肅親冒矢石摧鋒陷陣士皆奮死力虜窘不支大  
潰奔北蹀血三十餘里斬馘萬計生縛耶律一百二  
十七人威名大振上賜宸翰褒美挺蒞政嚴明正直  
西陲倚重如古長城及卒天子震悼特贈少保屢贈  
太師魏國公志通

楊政原州臨涇人仕宋屢官至太尉左右吳玠兄弟

破兀术等箭括山保全蜀卒贈襄毅墓在成縣志見舊

楊從義字子和鳳翔天興人紹興十二年奉命以本

部兵屯仙人關鎮守其地二十年保固無虞轉宣州

觀察使會朝廷詔大臣舉智謀武畧可充將帥者從

義應詔授正榮祿大夫進封開國侯志見舊

蕭政蕭興澤州沁水人建炎初家陷於兵火避地歸

宋會朝廷遣宣撫張公招徠中州遺氓議恢復事兄

弟嘆曰吾家不幸陷於偽朝願思自效迺收隸兵籍

從吳忠烈去饒風三陽德順等處以戰功聞屢受承

節郎興指揮使朝廷厭兵講和之詔適下乃駐兵河  
池川口以護蜀門兄弟就營自移鳳舉政卒葬於長  
舉有銘

張威字德遠成州人嘉定間金人犯成州自西和退  
保仙關人以死守之

元 田帖木哥大德中為徽州管軍元帥便益行事  
治有條理見通志

田守璋大德二年徽州管軍元帥副使為人倜儻不  
群以驍勇見稱洞燭民艱軍民倚賴見通志

田守琮大德中徽州管軍副都元帥見通志

田守節至元中為元帥守粟亭土番不敢近見舊志

楊文廣太原皇慶癸丑為徽州管軍副都總元帥重

建宣靈王祠見通志

卜朝瑛大德年徽州管軍千戶與弟朝珪俱有威名  
為虜所憚

卜光輔大德十年徽州管軍千戶甲戌會賊蜂起恣  
意殺掠光輔帥親軍驍勇者斬關入戰賊大奔潰見通志

張仲壽大德中徽州管軍元帥剛方自任勇而有謀

屢樹戰功有名將風志見通

張仲文大德中徽州管軍叅議元帥有膂力善騎射

務廣恩信勸民農桑建倉備荒軍民懷服志見通

陳祿中統甲子便益都總帥叅謀宣授徽州長管元

帥梗介寡合嚴明好禮志見通

陳哈刺中統五年宣授徽州宣化軍節度使兼管內

觀察使志見通

陳思聰中統年徽州觀察副使志見通



來山至正中徽州觀察使

附

吳曦得如志乃賂宰執圖蜀帥始為興州都統制進

屯河池尋詔兼陝西河東招撫使曦既得志與其弟

覲等謀反敵地於金求封蜀王遂持重按兵河池及

金蒲察真破和尚原犯西和州曦退保黑谷軍遂潰

真入成州焚河池退避青野原金主遣使持詔書全

印立曦為蜀王

後為安丙所誅

曦年十許歲時其父挺嘗問其志曦有不臣之語其父怒蹴之爐中灼其面號吳疤子云

從道曰吳氏父子兄弟竭忠王室世濟其美國家以

賴可謂無負世臣矣至曦不惟不能克濟前美反

以逆謀受誅遺恨千古亦獨何哉噫周公以管蔡  
監殷而以武庚叛當是時不有東征則周之不復  
為周亦未可知也其於曦也何尤書曦為世臣鑒

馬

守令

唐 蕭瑀字時文後梁明帝子為河池郡守部有鈔  
賊萬人更不能制瑀募勇敢士擊降之悉捐貲畜賜  
有功又擊走薛舉衆數萬高祖授光祿大夫封宋國

公拜民部尚書

見通志

宋 王令圖至和中以殿中丞為河池令時值開河  
會議河去縣四十餘里部屬陝西移文令圖通幹其  
事自秋七月至八月路已通功告訖集賢校理田諒  
審績具狀以聞下詔旌之志見通

李周嘉祐五年知河池公正嚴毅沉晦自匿不以私  
賂執政志見通

商應 至和中為長舉令有開河績見碑文

宋保熙寧中粟亭尉虎為民患保設法除之自是無

患而民悅志見通

宋方熙寧中為栗亭尉興學勸農政聲流聞志見舊

張翼至和中栗亭尉盤誥私茶鹽礬等事治有異名

志見通

趙晃紹興中河池簿

陳佃簡州人紹興二十二年自朝奉大夫權知河池

不為煩苛有古循良風盛夏遣囚立限囚各感恩如

期而至志見通

顏友意紹興中為河池令威名遠著諸務賴以不墜

志見通

董彥威紹興中河池尉豈弟愛民一日盜至邑人大  
震彥威無懾懼徐遣民兵禦之弗克益以茶商百餘  
遂捕之見通志

許棟紹興中河池尉

李機雲川人紹興中權粟亭管勸農營田公事贈忠

訓郎見通志

樊宥紹興中知河池德政愛民見通志

楊消端拱中粟亭令治尚嚴猛吏民畏服見通志

任成慶元中任長舉尉朝奉郎有能聲賜緋魚袋見舊

敘鄂志

卷五

胡主紹興中以從義郎定差粟亭縣酒稅事

樂教紹興七年以左迪功郎知粟亭縣事

石琦淳熙中差充粟亭縣尉兼主簿琦沉毅有謀仁

惠愛民宰執遣使臣督諸例外貢方物琦以地瘠民

困狀聞宰執懼而止時號能吏進階秉義郎

王知彰為粟亭令嘗作秦州東柯峪杜少陵祠記

趙康直慶元二年脩職郎差長舉縣尉

元 陳郡守元初以仁厚為政創建州署經畫勞心

出給家粮撫綏兵士愛育黎民規畫街坊重脩宣靈

王廟兩當靈應泉觀皆其父子創作

見通志

完顏朶立赤大德壬寅知徽州兼諸軍與魯勸農事

剗弊革奸修廢舉墜百姓懷德御軍有方治民寬惠

見通志

買的大德初忠翊校尉知徽州達魯花赤兼諸軍與

魯勸農事時承寇盜之餘兵食方急民力凋耗乃立

貯儲之法以示於民民賴以安

見通志

國朝

敘事志

卷五

十一

知州

金堅洪武初年任創建州署學校年遠湮微往事莫考故老相傳為首稱焉

麻林洪武九年任處心平恕蒞事勤謹

見舊志

王建中山東郟城人洪武十七年任政尚愛民秩滿

未回子孫因占籍焉

見舊志

康彥祥洪武二十三年任

楊懋洪武二十九年重脩州治

謝鳴遠永樂年任吏目林德宗以事解京下錦衣獄



公率吏民詣闕

其得長吏之體與

王溥永樂二十一年任

蔡茂河南孟津人舉人宣德中任為政公平吏畏民

懷秩滿百姓保留復任九年食正五品俸

見舊志

胡璉浙江鄞縣人正統中任

姚訥江西弋陽人景泰中任

武桓河南中牟人舉人景泰中任由崞縣陞本州以

敬神恤民為急務履畝勸課指畫栽桑德澤及民百

餘年來猶能道其事者

安康河南太康人舉人天順中任

李佐直隸青縣人進士天順中任政事文章綽有聲

譽陞漢中知府

見舊志

馮恭山西代州人舉人成化元年任寬猛得宜吏民

88

悅服

見舊志

孫蕃直隸江都人進士成化四年任聞諸故老謂公  
才華可比張東海操觚萬言立馬可待將為文章太

守云歷陞南京戶部郎中浙江嘉興知

時傑河南通許人監生由江西經歷陞本州成化八年任

李廷訓山西忻州人舉人成化十一年任

孟泰山山西遼州人舉人成化十三年任廉介無私政

尚寬惠民至今懷之

見舊志

息清直隸東光人舉人成化十七年任多才能任事  
傳之故老百姓知畏而不知愛者也

李英河南祥符人舉人成化二十二年任調乾州

劉濟字洪仁河南郊縣人舉人成化二十二年任家

居孝親親沒廬墓居官豈弟政務平易節省里甲一  
毫不妄取首建學校作興士類至於愛養元元寔古  
之循良也故曰求忠臣於孝子之門殆濟之謂與歷  
陞遼東苑馬寺少卿入名宦祠

劉津湖廣益陽人舉人弘治四年任

溫璋山西石州人舉人由會寧縣陞本州弘治八年

任恩威兼濟立法守常

見舊志

張鳶山東安丘人進士以戶部郎中遷本州弘治十  
八年任

侯種字克誠山西安邑人舉人由狄道知縣陞本州  
正德四年任種之守官也以名節砥礪自奉甚簡而  
儉省民財民有疑畏者即召於庭面訓之民亦感服  
或作奸違法亦懲之不少貸督課諸士子曰為講論  
士子尊若嚴師且尚德行而後文藝教人動師聖賢  
從道時為諸生親沾其澤教養之善一時備矣陞西  
安府同知種在徽時有一蜀士大夫過徽種不善為  
曲奉後西安入覲而蜀士大夫者為京職要津竟  
去種種嘆曰使某在徽時預知今日之值而亦不剝民

以曲奉焉即此可以觀裡之平生矣入名宦祠

任寅四川銅梁人舉人正德六年任蜀寇陷城城圮

不能守遷鎮遠知縣

茹鳴玉太醫院籍無錫人舉人正德八年任樂興諸

生談經以憂歸起復鈞州

張柱四川涪州人進士正德九年由刑部主事外補

桂陽州同知陞本州歷陞中府經歷思南府知府性

坦夷不苦苦為宦業計且善禮士大夫而百姓亦不

擾焉噫其曠達之人乎

趙隆山東歷城人舉人由霍州起復本州正德十年  
任守廉

陳傑直隸蠡縣人舉人由山西解州改本州正德十  
三年任誠直敦朴平易近民者

白松河南新野人舉人嘉靖二年任調秦州

朱純山西陽曲人舉人由秦州調本州嘉靖二年任  
歷官六年陞夔州府同知未之任解官回

周璋直隸獻縣人舉人嘉靖九年任居官無牧民之  
體雖以憂去監司者猶論之竟罷除

莫汝高四川閬中人舉人由雲南大理府推官陞本  
州嘉靖十四年任

王時雍字世亨號石村山西垣曲人舉人前歷武城  
山陽華陰知縣陞本州嘉靖十六年任剖決明敏與  
人言無遁情當是時囹圄空虛人多畏服一時稱才  
能者皆云王徽州聞在山陽時百姓謂之清王即其  
在徽亦不失其所守然不屈諂上官尤人情所難者

陞西安府同知

許釗山東寧陽人監生由西域兵馬陞本州嘉靖二



十一年任重建堂制雖壯麗可觀民亦勞矣以考察去

舒良材字朝棟號礪齋湖廣廣濟人舉人由瑞州府通判陞本州嘉靖二十九年任下車時徽敝久矣慨然以振作自任未半載次第脩舉郡稱治焉每見省里甲清訟獄興民利真若任家事者至於興學作士尤其所長人有過為奉承者即艴然拒之其已亦負氣每每不能下人使久於其任則徽民寔多賴焉惜乎在徽未幾而以瑞州事考察去去之日士民多泣

別至今論者皆稱念不置噫其亦賢守也哉

張孝河南上蔡人舉人嘉靖三十二年任以憂去

葛之奇直隸沭陽人監生由表州府通判陞本州嘉  
靖三十四年任專務鋪張陞西安府同知未幾監司  
劾罷

蕭廷宣江西廬陵人舉人先任福建長泰知縣陞本  
州嘉靖三十九年任

今任

孟鵬年字子化號洛川河南洛陽人舉人先任直隸

新樂縣知縣陞四川達州知州起復灤州知州調本  
州嘉靖四十一年任政尚簡嚴創脩郡志亦有為者  
未久陞代府左長史

邵世祿字仲學號山泉山西河津人選貢先任陝西  
城固縣學教諭歷陞國子監助教廣平府通判本州  
知州嘉靖四十二年任

同知

元 王祐大德中從仕郎同知徽州兼諸軍與魯事

康遙喜中統七年徽州同知節度使

力德義皇慶二年忠顯校尉同知徽州事

劉繼聰至正六年忠顯校尉同知徽州事

國朝國初設  
後裁革

王叔周洪武十四年任

張璞直隸任縣人永樂中任盡心撫字而未嘗

少倦民感其惠見一  
統志

董仲言山東蒙陰縣人進士嘉靖九年由禮部員外  
郎左遷

判官

元 丁伯顏察兒大德辛丑進義副尉徽州判官兼

諸軍 治尚整肅化行俗美百姓懷之見通志

國朝

唐義洪武十八年任

孔仕通永樂十二年任脩理學校政績彰聞見舊志

王浩永樂二十一年任

改印志

卷五

七

李澄景泰年任

劉貞山東昌樂人舉人景泰年任操守清潔以憂去

見舊志

金與朋山東歷城縣人景泰年任

楊郁四川瀘州人天順二年任留心民事分理諸政

民稱便焉見舊志

梁讚直隸薊州人成化元年任凡九年蒞政始終不

渝民信愛之見舊志

楊鑑河南鄧州人成化三年任

黃鉉湖廣棗陽人成化七年任

趙傑山西汾州人成化十年任守官甘清苦歸之日  
民以餽贖者尤苦拒不肯受噫傑之廉亦可謂難矣

張瓚四川崇慶人成化十二年任

胡大常四川遂寧縣人成化十五年任

任祥河南臨漳縣人成化十七年任

劉俊四川重慶人成化二十年任舊志稱有惠政

李春直隸栢鄉人成化二十二年任

廖元孜四川富順人成化二十三年任

及

之

七

戴嵩四川巴縣人弘治元年任

曾洪四川昭化人弘治六年任重建學宮亦有聲者

以憂去

李政河南封丘人由吏員弘治十六年任

張漢英四川渠江人正德元年任

錢宏山西臨汾人正德三年任佐政才一年多俾郡

治

張朝宗山西平陸人正德六年任

祝世和四川洪雅人正德九年任孟浪無忌



王鑰山東臨清人嘉靖元年任嗜酒暴虐罷去

張雲漢山西絳州人監生由郭縣知縣遷本州嘉靖

五年任重厚廉靜有長者之風

王朝相山西應州人監生嘉靖八年任相直懃凡有

興作以身先事陞興濟縣知縣

陳富四川內江人吏員嘉靖十六年任

方湖直隸巢縣人監生嘉靖十七年任

劉誥直隸南皮縣人監生嘉靖十九年任

季子貞直隸無為州人選貢嘉靖二十二年任不歆

和君云

三

二

仕乞政而歸

李鏡山東壽光縣人監生嘉靖二十六年任

李桐直隸蠡縣人監生嘉靖二十九年任

王陽四川內江人嘉靖三十二年任

張據華鳳陽府蒙城縣人監生嘉靖三十六年任

今任

王儒字宗道直隸徐州人嘉靖四十一年由天津衛

經歷改本州

吏目

元 趙裕皇慶癸丑年任

國朝

賈恕洪武年任

林德宗掖縣人永樂十八年任入 覲保舉清廉愛

民錫之衣鈔題名彰善榜

見通志

劉廷原直隸保定府人永樂十九任以事謫戍紫荊

關

任勗山西猗氏縣人景泰年任

崔子周利津人宣德年任

改印志 卷五

三

張充山西汾州人成化元年任

陸榮湖廣江陵人成化五年任

張達河南魯山人成化十二年任

翟清山西安邑人成化年任

李森四川崇慶州人成化年曾逐巨盜時以能稱

陳大倫四川鄰水人成化年任

梁棟山西石州人弘治年任

李瓚山東人弘治年任

表宗倫龍州人弘治年任慈惠及民去之日囊無餘

貲

張鳳翼資縣人正德年任兇狠貪婪事發潛歸

孫枝四川會川衛人正德年任能詩

表伯燠龍州衛人嘉靖年任

曹炳直隸固城人嘉靖年任

劉錫山西絳縣人嘉靖十七年任

姬洪山東臨清人嘉靖二十年任

陳朝四川內江人嘉靖二十五年任時檄大歉懇乞

請賑飢民寔多賴焉

羅耘夫河南許州人嘉靖二十九年任

李嘉猷山西榮河縣人嘉靖三十二年任

今任

張志忠字希尹山西臨汾縣人監生由松江府檢校

陞本州嘉靖三十九年任

學正

元 賈璜中統年任

俞仲猷大德年任

賈坤辰中統年任

譚庚桂皇慶年任

陳季皇慶癸丑年任曾撰宣靈主廟記

楊傑皇慶年任

國朝

顏叔彬籍貫未詳洪武三十年漢中府沔縣吏高福

興糾民田九成為亂至徽焚州治叔彬死之政見聖記

李翔永樂甲辰年任

李祥黃岡縣人宣德年任

劉銘新城縣人正統八年任

改卽志

卷五

三三

王永清四川華陽人景泰年任嚴重不苟以教自任  
余志英四川華陽人天順年任立教有矩度垂九載  
不倦

謝伯山四川崇慶人成化五年任

張謹四川德陽縣人成化十四年任學博行純勤于

教誨

見鞏  
郡記

王賢字用之四川瀘州人由舉人成化二十年任立  
教以風化自任克振師範嘗脩郡志但為他事誤去  
士人惜之



郭容四川宜賓人舉人弘治初年任教範尊嚴未幾  
憂去

郝瑄大同府人監生弘治十四年任才博善教諸士  
嚴憚歷九載以致仕歸

王崢宿州人舉人正德三年任學問博洽甘貧樂道  
寒暑不易每開講執經環聽者盈庭諸生至今念之

歷官國子助教唐府長史

見通志

時相傑之子河南通許人舉人正德九年任

李錦河南睢州人監生正德十四年任學行端謹

及

三

三

王珊浙江蘭谿人舉人嘉靖六年任有學士也陞扶風縣知縣

徐行山西壺關人監生嘉靖十年任陞徽府紀善

楊臯四川鄰水人監生嘉靖十七年任

馮芹山西臨汾人監生嘉靖十九年任始終甘清苦不受諸生之餽捐人也陞慶陽府教授

韓醇四川夾江人監生嘉靖二十七年任

刁文魁南和縣人監生嘉靖二十九年任陞汝南教授

姚舜德五臺人監生嘉靖三十六年任陞遼東前屯  
衛教授

今任

李應和字祥甫山東歷城人監生由洧川訓導陞本  
學嘉靖四十一年任

訓導

元 袁永道至順年

國朝

梁伯宏本州人洪武間舉通經儒士任

教諭

卷五

七

樂珩永樂甲辰年任

李潮四川邛縣人正統年任

喬昇河南洛陽人正統年任端嚴雅重博學善教至  
今人猶傳之

陳謨四川巴縣人景泰年任

張琦直隸玉田人天順四年任

危亨四川彰明縣人成化六年任

于昇河南許州人成化八年任勤于教誨見舊志

吳祥四川新都人成化十七年任

侯志學四川蒼溪人成化十九年任

傅儀四川閬中縣人舉人弘治三年任儀與楊石齋為布衣交時石齋當國絕不通問可想見其為人矣

萬昇清源縣人監生弘治七年任

趙鼎彝四川宜賓人舉人弘治九年任問學該博誨人不輟寒暑竟未展用以例復除肇慶府高要縣學訓導

黃維祺四川雙流縣人監生正德五年任

胡縉四川新津人監生正德五年任家世業儒恒誨

及

卷之

六

人能恤寒士視不受餽禮者又過遠矣

李鑰四川華陽人監生正德七年任勤教

廖儔四川江津人監生正德九年任

周之冕四川成都人監生正德十三年任

岳杲河南郊縣人監生嘉靖二年任

張鷟四川長壽縣人監生嘉靖六年任

李寵四川大足縣人監生嘉靖十年任

王柱四川合州人監生嘉靖十六年任陞光化縣學

教諭

何養民河東運司人監生嘉靖十七年任

余泮四川富順人監生嘉靖二十二年任蜀士有名者惜未久耳

杜秉倫山西臨縣人監生嘉靖二十五年任陞通渭縣學教諭

龐綸直隸東安人監生嘉靖二十七年任尚風節與諸士子無少狎衆皆憚之每與俗忤未幾浩然長往亦一時之傑也

段翰臣山西代州人監生嘉靖三十年任陞安定縣

學教諭甫之任卒

今任

李廷輔字堯佐雲南趙州人監生嘉靖三十四年任

郭懷義字尚忠山西絳縣人監生嘉靖三十七年任

雜署

虞關巡檢艾忠

董全

孫繼宗

沂州人

石廷榮

石州人

汪時新

岳池人

胡熙訓

梁尚文

河間人

徽山驛丞李訓

濟陽人

任議

丘人

郭桐

范尚敬

繁峙人

人



批驗茶大使白士恭保定人 李應清梓潼人 李福 孫鏜

穎上人

典術郭守福栗亭里人 武初賈記任 郭安守福子 郭政安之子 羅讓

劉實 梁豸端之孫

典科龐清 楊春 魏斌 魏選 胡景賢 任也

愚倫之孫

僧正秉諫 經曦

卷之五終

三

徽郡志卷之五終

徽郡志卷之六

省亭山人郭從道編集

選舉志

從道曰 國家取士有三途大抵論資格耳至如歲貢之黃福儒士之楊士奇舉人之胡儼其所建樹亦以資格論耶茲志選舉尊制也而士君子之所自待者豈可苟然云乎哉

進士

宋 慶曆間

王公儀 詳人

淳熙間

王靖 詳人

王

從君

子

柄 王杞

子俱靖

王挺

靖之姪

王煥

靖之孫

楊慶嗣

安千

秋 紹興間

范魁

粟亭人

強亨

劉迪

薛永

董

弘 甄頌

樊師直

吳師古

詳人

吳師直

吳師

尹俱師李模

駱希甫

李粹中

陳儀

李祥

寶慶間

曹友聞

詳人

曹友慶

曹友諒

聞之弟

慶元

間

王光祖

張齊廉

從道曰考宋紹興迄慶元僅七十年中間甲第相繼

者至二十人吁盛矣然皆得於斷碣殘刻之間惜

舊志罔載遺事無聞止錄姓氏於此百世之後幸

猶仰芳躅焉

國朝嘉靖癸未科孫巨鯨詳人

舉人

宋 熙寧間 李楨栗亭人 淳熙間 何震 趙泰

嘉定甲子科嚴廷槐

改卽志

卷六

二

國朝洪武間

劉汝安

授兵科給事中

樊亨 授戶部主事監

明頗有聲績進兩浙都

于海 授直隸鎮

永樂間

張遜

伏昇

丁酉科王雍

未仕文獻物詳人

胡彥祥

物詳人

宣德間

焦茂

己酉科高儒

字崇文恂之子授豹

免喪改懷來衛廉謹勤事九年陞山西石州同知州  
田賦積年逋廢號稱難治儒廉慎明信利弊因革力  
贊長吏為之而陰運其  
機踰年大治見通志  
壬子科張鳳駿之子  
詳人物

景泰丙子科陳佑

善之川縣訓導陞安邑縣學教諭問

學該博旁及天文嘗有詩曰也知  
臺閣風光好爭柰林泉趣味高

成化庚子科任旒讓之子

正德庚午科許可久泰之子任寶豐樂平知縣徽自起奮

志登高薦自是髦士彬彬人文煒煒殆聞風而興起者乎

丙子科郭從道任直隸大名府通判陞山西應州知州

員外郎貴州按察同兵備僉事

己卯科經元孫巨鯨珂之子

嘉靖乙酉科李朝陽未仕

壬子科孫光祖珂之子乙卯科郭維价曾孫

戊午科馬負圖可久孫許東

後君志 卷六

辛酉科經元郭莊從道之孫王守中

三

薦辟

宋 王焯 王煒俱靖之孫 詳靖傳

元 高忽耳任怯薛官 江戶高臘住忽耳 罕子 任正 千戶 智謀 卓超



每戰輒有威名以高冲謙臘佳子少負才名取予  
子貴贈武德將軍高冲謙潔歷湖南路總管贈中奉  
夫高宗道冲謙子有志節精文武才為正萬戶歷職  
子貴贈榮任文貴正萬戶揚機侍郎兵部  
祿大夫

國朝洪武間高斗南詳人高恂詳人梁伯宏舉通  
經儒

州士訓導本焦貴芳舉人材任光劉安道舉人材任周嵩  
舉人材任直隸李嚴知縣天津李恕任光祿趙斌舉人

高郵州知州李嚴知縣天津李恕任光祿趙斌舉人

巡江梁欽舉人材任周鑑舉通經秀才周冕鑑之子  
御史梁欽刑部主事周鑑任蓋屋知縣周冕任永壽

縣知

### 歲貢

文 卅 五

卷 六

四

洪武間

李銘

任御史監察

石定福

任刑部司務

任守信

任都察院

司劉弘道

任直隸蓋城主簿

侯賓

任岳陽縣丞

姚成

任刑部司務

永樂間

朱經

任四川營縣知縣

謝禮

任戶部主事

劉宜

任直隸建平知

縣程忠

任湖廣臨襄知縣

劉鈺

任直隸鳳陽府同知

閻衝

任河南榮石

榮定

之子任繁時縣主簿

陳讓

任四川重慶府照磨

王謙

詳人

宣德間

何真

任湖廣永州推官

田謙

任山西潞

州知王祿

任河南洛陽縣丞

正統間

楊清

劉榮

任山西浮山縣丞

王用

任山東魚田

思溫

任四川大足知縣

羅弘

任山東泰安州判官

黃琮

任山西安邑知縣

段謙

任直隸當  
塗主簿 陳善

任廣川青

神知 高賢  
任江西萍鄉縣丞

景泰間 魏鐸 徐恭 梁信 楊敬  
俱冠 任直隸上海主簿

魏誼 李敷 石璞  
任山西洪洞縣丞

天順間 呂翹 王林 錢用  
任直隸州判 任羽林經歷 帶冠

苟賢 任山陰守禦所吏目 焦濟 任山西雲南  
任山東布政司照磨 任山西雲南通

安州吏目 吳昂 王瑛 羅文 張本 周  
任四川成都前

泰 喬麟 侯爵 淡志學 田喜  
任河南均州吏目

成化間 李芳 郭敷 湖廣倚泊  
任四川順慶府照磨 任安之子 見湖廣

及下 李芳 慶府照磨 郭敷 湖大 使見 湖廣 馳恩

柴盛 唐信 任河南新 楊浩 任晉府 姚匯 任纓河

南嵩縣 倪堅 任山西清 段智 任山西太 梁端 任歸德

主簿 居官多才 幹捕盜有功 勅進脩職郎 李鑑 任湖廣

綺陞光祿寺署監事 照 楊秉直 任河南開 高舉 授河南光州判 負氣豪邁

磨 人多 李陞 任萬全 任璞 任梁瑋 任河南 段中 任山西

惜之 丞 衛經 歷 任 梁瑋 任 段中 任 陵川縣

弘治間 陳雋 任四川彭水 任廣 劉恕 任河南

丞 許泰 任山東館 郭瑛 廣黃州府 照磨 侯俊 任四川

□李□□ 未任 倫 登州府推官 嘉定州判 陞山東

相與謂其德壽可欽文藝可采曾以禮遣問之楊企

符主簿慶梁大用錦衣衛經歷倪經雅重桂籍遺

才未仕而卒果羅禮讓之子襄城丞陞宛平丞

之下直高許陞河間府判益勵清操亦多樹立卒于

惜馬劉傑仕未呂清同知改雲南趙州郭珊穀子任

兵馬司副指揮勅進文林郎時江彬煽虐以事忤

馬湖府同知郡士胡憲任山西太王俊任直隸

正德間顏綬任河南祥郭璋安之孫任山尚克已

未姚士元任河南王璽任山西孝義知縣鄉黨稱為

收卅志 卷六 二

聞母沒即舍騎徒步悲號奔里寇廷佐任順天府大  
其視親沒而匿者奚啻霄壤耶

進脩職郎陞陳經仕劉奎仕未焦鉞山任四川璧何志健  
贊皇知縣

任河南永寧縣丞

嘉靖間鄧廷慧任直隸內黃縣丞黃有遺愛駱憲

任四川崇寧主簿陞山東魚臺丞崇寧時備甘清苦  
百姓呼為駱青天蜀撫臣獨薦其廉竟得一丞乞歸

石文孝友慈厚居官多清譽每以禮自守易簣時尤  
以忠孝勉任繼賢疏之子任山東曹州謝廷蘭任直

諸子焉任保定石岱重之子任四州同知謝廷蘭任直  
清蔡傑任保事

楊思禮任山西壺充得雨仕未高克已川舉之子任會高

關縣丞

登魁 任湖廣布政司照磨段偉 任四川夾江主簿 鄧燿 廷慧子 任河南永寧縣丞 陞

典寶 李相 任河南洛陽主簿 牟廷言 仕未 高登雲 仕未 張應顯 任

西臨晉 淡道明 志學 孫張惠 仕未 姚宗商 授雲南景李

秉彝 仕未 梁藻 未 賓子 胡汝明 未 憲之子 盧世珍 仕未 郭體

道安 之曾孫 任直隸任丘縣學訓導 陞 楊永亘 任雲南趙

州吏 趙宗舜 仕未 李珊 賀夢祥 任太嵩 伏廷禎 任西絳

州訓導 陞清劉天叙 任雲南路 倪一貫 任直隸吳李

源王府教授 授劉天叙 任雲南路 倪一貫 任直隸吳李

應陽 仕未 郭從源 孫安之 曾宋汝器 鑄之孫 任順唐煥 任

西趙城 蘭體仁 任直隸真張綬 鳳之 郭應時 曾孫 梁

待君志 卷二

仲夏 馬天驥

例貢

天順間

吳聰

任太原  
府經歷

胡憲

任丹  
縣主簿

梁俊

任保定  
府照磨

誼儒之孫  
臨川主簿  
劉俊



成化間 宋鏞任昆陽 任俊 任仲德任保定 石重

未羅昇任未 焦志泰任未 宋鏜任順德 何萬全真之孫 黃坪守禦

千戶所 石堂任上林監典簿 性素恬靜不樂仕 劉經

任大足 山巍任長壽 李逢春任寧海 徐紀任浙江 守

淡仁任單縣儀 趙端任江都 石鼎璞之子 任鴻臚序

陞聞喜 縣丞

弘治間 謝景安任陵川 謝恩任樂至 梁大賓任廣

盈州 吏日

正德間 石岱峯任滄州 任偉廣之孫 何文麒真之

文正

文正

卷六

卷六

八

任河間府檢校  
起復保寧府  
任希旦  
倫之子  
劉邦輔  
任四川成都

知事陞記水縣  
何文鳳  
真之曾孫  
任許可相  
泰之子

丞開平衛經歷  
石岱崙  
堂之子  
梁大夏  
新任新城  
盧世相  
任鴻臚

嘉靖間  
劉一源  
任四川重慶府檢校  
石岱崙  
未仕  
劉一濂  
子邦輔

馳恩

誥命 孫珂 以子巨鯨貴封奉政大夫戶部郎中配

郭氏諱璣 政之子以從道贈奉直大夫戶部員外郎

勅命 任讓 以子旒貴贈文林郭敷 以子珊貴贈文

孺人史貴 以子翰貴贈徵仕任瑄 以子倫貴贈徵仕

讓 以子禮貴贈文林石玉 以子文貴

援例納級者 指揮何文麟 千戶王來鳳

胥吏入官者 蘇善 江津主簿 呂韶 蠡縣丞 羅奎 太平主簿 段榮

太和縣丞周茂 營繕所丞魏海 局大使 杜琰 河泊使 陳敬 永川主簿 杜鉞

江東魏鎮 淮安經歷 田振 松潘大使 任讓 長沙主簿 陳剛 倉大使 劉良

及 卅 志 卷六

資巡檢宋剛鄆縣典史胡進長寧主簿杜宜巡檢王淵大子昇使盧

清大使何福驛丞盧政大使田真大使王瑾嵐縣典史張廣大使樊能

使羅睿長壽主簿史翰貴之子先任天津衛經歷勅王

志廷獄司王政巡撫鄭永鑑大使李鳳儀典史劉一清邦輔子任廣安

州守禦千戶所吏目程廷舉

耆壽膺冠口者口信何壽駱敬淡弘盧

斌張勉高實楊鼎張麟劉俸謝景德

何萬景

徼郡志卷之六終

徽郡志卷之七

省亭山人郭從道編集

人物志

從道曰夫所謂人物者踐形盡性出則華國庇民處則模世範俗足為人之所望方謂之人物云易易馬遽謂之人物不惟品題者失真蒙誦而九原有知亦或謙退弗居矣天日為昭曷敢誣耶貞烈流

寓附

晉 傅祗粟亭泥陽人性至孝才識明 武帝時拜

及下

卷二

一

太子舍人累遷散騎黃門後以功封靈川侯加右僕射中書監

南北朝 傅引之祇四世孫侗儻有大志仕劉宋歷

位太尉行參軍

事行闕

宋 程俊其先會州人徙居栗亭泥陽社孝父母友兄弟幼時父母陷于夏國稍長日思其父母號泣自毀幾不能生乃捐家貲數十萬贖其父母未得遽歸日事祈禱比向號泣寢食俱廢夏人感動遂歸其母邵氏俊乃日侍夕母承順顏色奉養周至而又事族

兄恭謹撫諸弟友愛贍母黨百餘口服食器用必與  
已同每遇大禮 奏薦諸子必先諸弟鄉里稱至孝  
馬仕至中亮大夫康州防禦使權發 蘭鞏路兵

馬鈐轄隴右都護右部同統制軍馬使紹興十年詔

諸路州縣長官精舉部內孝行車異實跡顯著者權

主管鄜延路經畧安撫都總管司公事兼知成州王

彥奏俊孝行歆乞擢用仍賜旌表允之詔旌其門

紹興

中尚書省  
劉子碑存

王公儀白石峪人童子時被徵慶曆六年登進士第

官至中散大夫知涇州軍兼管內勸農使上柱國封

清源縣男食邑三百戶賜紫金魚袋

事行闕

吳師古河池人舉紹興間進士時宰執秦檜決策主和議成金使以詔諭江南為名編修胡銓抗疏論之銓遂貶師古鋟木以傳金人其書千金為人所訐師古流袁州弟師直師尹俱舉進士第師尹為秉義

郎

薛友直字正叔河池人幼習學業好馳馬試劍尤長於兵書風姿雄邁氣識不群靖康初金虜強盛陷沒



中原友直慨然有憂國心紹興初方弱冠自備資糧  
刀弓甲馬隸籍戎門為良家子揚帥知其偉人遂留  
于帳側繼而從揚姚李三帥數歲間於寶雞河南魚  
龍川六盤山德順軍瓦亭寨熙秦鞏西渭等與金賊  
大軍累經攻戰斷絕虜人糧道身中流矢一十七處  
獲擒酋長累階至武翼郎興元府駐劄御前中軍馬  
軍第一正將平生樂善好施能孝繼母撫養諸孤解  
衣濟貧忠勤智勇孝義寬仁卒葬于揚家先塋之次  
王靖字安之五世祖山東人藝祖朝仕為秦鳳經畧

使其子孫家於河池靖登進士仕為太原中散金紫  
光祿大夫純孝忠信教子有義方起家至千石平生  
謙遜不忤于物弗以富貴驕人閭里推為長者子祀  
柄姪挺俱登進士柄官朝請大夫前奉使撫諭陝西  
諸路兼知興州軍府事勸農營田公事兼管內安撫  
司公事賜紫金魚袋孫焯官脩職郎煒官從事郎  
王煥靖之孫登進士知武當縣建炎間賊犯鈞州煥  
發邑人保山寨賊至或勸之遁煥曰使吾有此心則  
不能與邑人為此謀矣遂力戰却之遷知平江府府

經兵火公署學校究心興葺不賦于民而用有餘規  
為類此召遷京西湖北制置使司準備差遣兼統制  
破虜軍事後以事降授忠訓郎

曹友聞字光叔同慶粟亭人武惠王彬十二世孫少  
有大志與弟友諒千里尋師取友登寶慶二年進士  
授綿竹尉改天水軍教授城被北兵圍友聞單騎夜  
入城與守臣張維厲兵堅守北兵退而復至友聞罄  
家財招集忠義得健士五千人令乘高據險身冒矢  
石為士卒先北兵敗去檄知天水郡北兵入鳳州友

聞密遣統制王漢臣等授以方畧出戰及兵至城下友聞部分諸將各守一門敵不敢近又命漢臣等取間道出戰自提重兵乘敵後大戰有功特授承務郎北兵又自西和至階州友聞曰階州雖非吾境豈可坐視破敗遂引兵與諸軍會命弟萬及友諒督戰自冷口渡嘉陵江屢戰有功夜銜枚直趨青野原截戰圍得解特授左驍騎大將軍北兵破沔州擣大安友聞遣統制王資等趨雞冠隘既而敵果攻隘王資等出戰北兵乃解去特授友聞眉州防禦使弟萬差知

同慶府明年友聞引兵扼仙人關北兵五十餘萬大  
至友聞語萬曰國家安危在此一舉以寡擊眾非乘  
夜出奇內外夾擊不可乃遣弟萬及友諒引兵上雞  
冠隘多張旗幟示敵堅守友聞選精銳萬人設伏街  
枚突戰會大風雨淖淖深沒足諸將曰宜俟少霽友  
聞斥曰敵知我伏在此緩必失機遂五鼓出隘口內  
外兩軍皆殊死戰西軍素以綿裘代鉄甲經雨濡濕  
不利步鬪黎明北兵四面圍繞友聞嘆曰此殆天乎  
吾有死而已於是極口詬罵殺所乘馬以示必死血

戰愈厲與弟萬俱死事聞特贈龍圖閣學士大中大  
夫賜廟褒忠謚曰節

張珏字尹玉河池人少從軍以功累官中軍都統制  
寶祐末諸道兵圍合州珏守合九月不能下景定初  
賽典赤提兵出合城下珏旋舟斷江中為水城大兵  
數萬攻之不克遂引去珏以兵民凋弊外以兵護耕  
內教民墾田積粟公私兼足德祐初陞四川制置副  
使知重慶加檢校少保徵其兵入衛蜀道斷不得達  
明年復瀘州大兵會重慶遣將招降珏不從至元間

大兵破紹慶執守將鮮龍珏與大軍也速解兒

柔壩諸將從後合擊之珏兵大城中糧盡或說珏

降不聽珏率兵巷戰不支歸索鴆左右匿鴆挈舟載

妻子速走斧其舟欲自沉舟人擲斧江中欲赴水家

人挽持之明日帖木兒追及執之送京師珏至安西

趙老庵乃解弓絃自經廁中從者焚其骨以瓦缶葬

之死所珏魁雄有謀善用兵出奇設伏筭無遺策士

卒必練器械必精其治合部曲有法有功雖奴隸必

賞有過雖至親必罰以故賞罰明信人人用命

元 曹友慶友聞弟西城滿子阿釐拒 不庭友慶  
力戰獲之天子賜以文綺二端以慰其勞襲父爵拜  
武德將軍佩虎符雲南土夷蛇截驕橫逞兵友慶從  
叅政汪公殄滅之八蕃永寧等處賴以輯寧拜宣武  
將軍賞賚甚厚施州容蠻洞麥色釋侵叛友慶出已  
金幣鈔錠傾誘歸款詣闕待罪議者謂友慶勞績甚  
多有仁人之恩居鄉里周急患難得長者之譽壽六  
十而卒弟友善宣授進義副尉鞏昌等處砲水手軍  
匠奧魯官屢有奇績子三人禹臣行秦州管軍千戶



晉臣掌虎符領砲翼性沉晦寡交接不為流俗所遷  
漢臣鞏昌等處散慢怯口阿察赤大印子總管府同  
知惠政良多無忝厥祖友善子舜臣行秦州征行元  
帥弟友直孫祥勅授進義校尉砲水手管軍千戶

曹禎友慶孫佩虎符宣授武德將軍鞏昌等處砲水  
手萬戶府萬戶奉命征進河南屢獲殊績推恩諭眾  
公忠委命之心施于部伍動止不辱于上財物不歛  
于下凡出師禦敵不肅令而軍自勵葺兵繕甲不督  
工而人自稱謹總兵官稱其理為軍務最賞賚甚厚

軍旅間每念慈母之憂未嘗不歔歔流涕總兵官以  
忠孝咨嗟至正乙未自河南還溫恭克己閭里稱賢  
孝養於家忠勤于國恤孤拯寡仁慈惠愛行於鄉閭  
國朝

高斗南字拱極宗道子體貌魁岸聲音洪亮聰者悚  
然才識明敏慨然有志 國初用薦授四川定遠縣  
惠政多方百姓為謠曰江上高樓鼓角鳴至今吹出  
斗南聲自從來作公平吏多少人傳去後名三載考  
績以他事逮繫詔獄耆民劉興等詣 闕伏奏 上

知其賢而釋之復命知定遠賜襲衣寶鈔仍錄彰善  
榜考九載績陞雲南新興知州惠養百姓撫綏夷獠  
興人載之居數年上疏乞骸薦子恂以代 上允之

厚遣以歸年七十而卒

見通志

高恂字士信斗南子性穎敏特達甫十二歲通五經  
博極群書尤工詩文喜習騎射有父風

成祖用父薦詔至闕下命翰林試之中選授禮科給  
事中章奏屢上不避權奸時黃河清恂為詩十章以  
獻 上覽而嘉之陞父職仍知新興大有能聲安南

國王陳日燿為賊黎季犛之有阻聲教新興密邇安南上遣成國公朱能往討命恂權行司馬叅贊軍務凡賞罰號令大將而下咸聽節制大軍二十萬協能航海趨安南宣敷教化撫順凶逆備諭天朝慰安之意黎夷率服凱還至新興病卒年二十七訃聞上震悼命有司給賻還其喪後以子儒貴贈奉直大

夫協正度尹

見通志

胡彥祥少有大志刻苦為學永樂初以鄉進士授肅寧知縣自奉清約取予不苟榜其門曰賄賂一分無

地入公廉兩字有天知踰年遷眉州知州重農務興  
學校脩堤堰歲凶民無飢色眉人感悅擢保寧知府  
勞心撫字孜孜不怠而事安民安廉正之聲播於遐  
邇調知河間蒞政如初政教聿興吏畏民懷卓有冰  
檠之操歷州典郡俱入名宦祠擢山西叅政旬宣勤  
勞廉介益勵迥出三晉之首特授褒賞後致政歸

見通

志輦  
郡記

文獻字士賢以鄉進士拜監察御史歷按北直隸雲  
南河南公性鯁介遇事彈劾無所避貪污望風解印

綬朝野咸以真御史稱之河南有殺人而攘其貨者  
有司誣不殺人者伏罪公疑之後庶得殺人者與貨  
實於法釋不殺人者人以為神明云閱盧氏鎮銀廠  
盡革中貴之誅求中貴銜之潛令人暮夜懷金踰垣  
擲之寢所翌日劾獻上怒械至京師下詔獄值天變  
上命詳讞得其誣即釋之遷山東按察司僉事乞歸

卒于家

見通志  
鞏郡記

王謙永樂間以歲貢授鳳陽府壽州知州單車之任  
不事華飾至則勸農桑郵鰥寡發奸摘詭稱朗恕薦

郡有數人武斷市廛因之而罷君推原法意斟酌民情弊端頓絕利源遂通九載考績壽民赴闕乞留

久任 朝廷下詔褒之進階四品復任壽州前後三

十餘年以老致仕

見鞏郡記

張鳳字廷儀號鼎湖以鄉進士任長子深澤教諭諄

諄善教科貢得人陞陵川王府教授輔導匡正王不

聽遂乞歸性豪邁有才辨議論若決江河成化末年

居家上疏論時政十二事如班官爵守 祖訓行報

祀明賞罰勤王事弭納粟戒風憲審冤枉杜侵漁興

學校去貪墨息淫風皆切時弊一時士林偉之教長  
子時司馬阮公勤以原籍係交趾為諸生所妬公識  
勤於童子中拔而教之後阮登第以都御史撫閩中  
感公知遇之恩持節按徽仍執弟子禮展拜餽禮竟  
弗受阮部曲有逮罪者以賄請借解亦不納阮覘知  
益重公焉公性鯁直居家最嚴訓諸弟子以禮內人  
執女範處鄉不妄取與不泛交亦不干有司有司敦  
請鄉賓亦弗與焉噫公一鄉之善人也卒年八十二

所著有平胡頌

見通志



任旒字廷儀號默軒鄉進士任蘭陽歷確山垣曲知縣不為俗吏跼蹐之態竟阻時格而歸歸之日無異寒士居家獨處一小室朝夕讀書心師聖賢為後學法程許僉憲按徽語人曰吾少時不識任先生聞吾鄉父老稱先生為吾蘭陽真父母也王垣曲亦備言先生之政至今人思慕之先生性鯁介而薦實寡言笑喜為詩自少至老以禮律已絕口不言人過非公事不入公門卒之日貧不能具歛戚里助之歸葬執紼者無間遠近詩有默軒集行于世大司馬彭公澤

稱先生金玉君子云年七十五而卒鄉許入祀鄉賢

祠

見鞏郡記

孫巨鯨字子魚號兩溪少有俊才登進士授洪洞知縣子魚勤敏剛直奮欲學道愛人其志侃侃志稱心術醇厚政多惠愛鑿潤源渠灌田八村民受其惠立碑頌績調南川歲適大歉請賑待報間先以俸米作粥多所全活未幾真播賊起乃飭兵備明號令為戰守計獲其渠魁數人地方恃以無恐以奏最陞開州開亦重郡鎮之以靜平易不擾大司馬趙公廷瑞稱

其政尚簡實遷戶部員外郎董太倉事大司徒梁公  
材慎許可獨加器重會遼陽兵變薦推郎中奉 璽  
書總理糧儲屯種至則公出納明會計方招商鎮守  
巨璫王永以重賄請求奮然而拒之永亦赧謝自是  
遼戍多賴焉未幾值內艱回服除仍郎署供職砥礪  
益操凡部檄國計不便者即部官行輒格之部寮雅  
重期展用竟卒共惜焉噫志方升而阻於時才優為  
而阨於數若兩溪者果非造物主張之耶

參據洪洞  
志鞏郡記

忠義

文正

宋 曹萬曹友諒俱友聞弟偕兄與蒙古力戰皆死

于陣贈萬武翼大夫謚忠節

詳友聞傳

國朝

任希夔廣之孫充廩膳生正德辛未蜀賊流劫至徽  
城垂陷人皆避之希夔獨不避或勸之希夔叱曰為  
上避難他日必忍耻 國家作養何為乃呼鄰人陳  
鵞等突出持戈巷戰罵賊不休乃登城血戰竟日賊  
怒縱兵奮擊希夔遂被害御史以聞 詔旌其閭

貞烈

宋 曹氏河池人父戍青野原元人攻圍城陷父死  
女徒步號泣潛入獲其尸慟毀而卒敵憐之並其父  
而瘞焉鄉人建祠祀之

### 國朝

王枝兒王文女年十八有姿容父母許婚未歸正德  
六年蜀賊擄掠至徽父兄俱害遇賊突入其家枝兒  
方侍母疾賊見而悅之執刃脅汙枝兒不從罵曰賊  
殺吾父兄吾隨吾父兄死耳強賊敢吾汙哉賊怒刃  
之極其殘酷御史成公文奏聞 旌表其門

見通志

周氏尚天麒妻正德六年蜀賊突至周夫婦避亂至  
兩岐亭賊騎追及天麒奔匿周為所獲強挾上馬逼  
以刃曰少不從便當死此周隨投於地大罵曰我良  
家婦柰何從賊死即死此賊怒亂刃之斷其首而去

見鞏  
郡記

節婦

元 米氏夫早卒誓不再醮躬執紡織孝事舅姑志  
若金石至元十五年旌表其門橫川有墓在焉

見舊  
志

國朝

淡氏即先太宜人按通志先大夫沒先宜人孀居饑  
餒忍餓力田自活艱辛萬狀誓死不貳撫遺孤垂三  
十餘年鄉無間言知州白松以事 奏聞

詔旌其門後 誥贈太宜人兵部尚書韓邦奇立傳

見鞏  
郡記

閻氏杜志賢妻歸杜未幾志賢病闕侍湯藥惟謹志  
賢卒閻有娠無依親故諷之他適閻曰制於天者命  
制於我者義吾有義命而已豈知其他後果生子貧

苦萬狀守節六十餘年壽終

見鞏  
郡記

文正

文正

二

趙氏鄧錦妻錦卒趙年少遺孤在襁褓撫孤成立垂  
四十年無非間者嘉靖甲申撫臺檄扁其門曰貞潔

以壽終

見鞏  
郡記

党氏生員郭從先妻年甫十九從先沒党焚香自誓  
以死守節鉄石之操垂四十餘年人無間言咸以貞  
孝婦稱之御史鄭公存仁奏聞見行分巡道覆勘憲  
副遲公鳳翔云党氏當夫病革既死誓以相從為子  
延生復苦節以自守且孝養舅姑而供奉之志不衰  
撫教遺孤而義方之訓克盡自少以至始衰既凜冰



霜之操不移據今日以卜終身可謂孝烈之行愈

前御史朱公扁其門

見公移

流寓

唐 杜甫 從道曰杜甫避祿山關中之亂入秦州

居東柯谷又徙居栗亭或曰少陵不終于此似非所

寓子謂少陵當時徙居栗亭久而始去今栗亭有祠

有釣臺其集有栗亭詩不謂之寓可乎噫草堂鬱鬱

遺像巖巖望者興思謁者增慕不可不謂之寓焉

宋 郭執中 從道曰按通志執中華亭人第進士

累官樞密承旨應詔言事切直忤蔡京籍為元祐黨人斥居同谷三十餘年因家焉同谷即今屬里泥陽也執中公居同谷沒則遂葬於此而其子孫以兵燹徙居州東四十里之駱壩村後傳至世精公世精公生帖木兒公帖木兒公復徙居栗亭栗亭去同谷二十里帖木公生守福公即從道之高祖帖木公以下居栗亭世精公以上葬駱壩至今駱壩有郭家坪即執中公子孫墓嗣是郭氏之傳綿綿奕奕益衍於無窮矣噫水水本源有遐思焉

薛思簡不知何許人為西康州太守秩滿遂買田宅

於河池因家焉五世孫友直為宋名將累加褒崇

西康

州今成縣  
詳見志銘

### 國朝

張駿河南閩鄉人鄉進士任兩當縣學教諭郡志云

學博行端勤於誨訓教化浹洽士子悅服卒于官子

孫居於徽遂世為徽人子鳳

詳人  
物

曾孫綬

見前

徐君志

卷一

十一

徽郡志卷之七終

徽郡志卷之八

省亭山人郭從道編集

藝文志

從道曰志藝文以備覽也闕風教者取焉識建置者  
取焉切題咏者取焉各以類附以見一方文獻云  
記

興州江運記

唐柳宗元

御史大夫嚴公牧于梁五年嗣天子用周漢進律增  
秩之典以親諸侯謂公有功德理行就加禮部尚書  
文正公

是年四月使中謁者來錫公命賓僚吏屬將校卒士  
鰲老童孺填溢公門舞躍歡呼願建碑紀德垂億萬  
祀公固不許而相與怨咨遑遑如不飲食於是西鄙  
之人密以刊山導江之事願刻巖石曰維梁之西其  
蔽曰某山其守曰興州興州之西為戎居歲備亭障  
實以精卒以道之險隘兵困于食守用不固公患之  
曰吾嘗為興州凡其土人之故吾能知之自長舉北  
至於青泥山又西即抵于成州過粟亭川踰寶井  
堡崖谷峻隘十里百折負重而上若臨利及盛秋水

潦窮冬雨雪深泥積水相輔為害顛踣騰籍血流棧  
道糗糧芻藁填谷委山牛馬群畜相籍物故輝音夫  
畢力守卒延頸嗷嗷之聲其可哀也若是者綿三百  
里而餘自長舉而西可以導江而下二百里而至昔  
之人莫得知也吾受命于君而育斯人其可已乎乃  
出軍府之幣以備器用即山倣功由是轉巨石朴大  
焚以炎火沃以食醢摧其堅剛化為灰燼音本鍾  
之下易甚朽壤乃闢乃墾乃宣乃理隨山之曲直以  
休人力順地之高下以殺湍悍厥功既成咸如其素

於是決去壅土䟽導江濤萬夫呼抃莫不如志雷騰  
雲奔百里一瞬既會既遠淡為安流烝徒謳歌枕臥  
而至戍人無虞專力待寇惟我公之功疇可伴也而  
無以酬德致其大願又不可得命矧公之始來屬當  
惡歲府庾甚虛器備甚殫飢饉昏札死徒充路賴公  
節用愛人克安而生老窮有養幼乳以遂不問不使  
咸得其志公命鼓鑄庫有利兵公命屯田師有餘糧  
選徒練旅有衆孔武平刑議獄有衆不黷增石為防  
膏我穡梁歲無凶災家有積倉傳館是飾旅志其歸



扛梁以成人不履危若是者皆以戎隙帥士而為之  
不出四人之力而百役已就且我西鄙之職官故不  
能具舉惟公和恒直方廉毅信讓敦尚儒學揖損貴  
位率忠以仁以厚其誠有可以安利于人者行之堅  
勇不俟終日其興功濟物宜如此其大也昔之為國  
者惟水事為重故有障大澤勤其官而受封國者矣  
西門遺利史起興歎曰圭壑隣孟子不與公能夷險  
休勞以惠萬代其功烈尤章章焉不可蓋也是用假  
辭謁工勒而存之用永憲于後祀

新開白水路記

宋雷簡夫

至和二年冬利州路轉運使主客郎中李虞卿以蜀道青泥嶺舊路高峻請開白水路自鳳州河池驛至長舉驛五十里有半以便公私之行且上未報即預畫財費以待其可明年春迺興州巡轄馬遞鋪殿直喬達領橋閣并郵兵五百餘人因山伐木積于路處遂籍其人用乞是役又請知興州軍州事虞部員外劉拱總護督作一切仰給悉令為長命簽署興州判官廳公事太子中舍李良祐權知長舉縣事順政縣

令商應程度遠近按事險易同督斯眾知鳳州河池  
縣事殿中丞王令圖首建路議路去縣地且十五餘  
里部屬陝西即移文令圖通幹其事至秋七月始可  
其奏然八月行者已走斯路矣十二月諸功告畢作  
閣道二千三百九間郵亭營屋網院三百八十三間  
減舊路三十三里廢青泥一驛除却兵驛馬一百五  
十六人騎歲省驛廩鋪糧五千石畜草一萬圍放執  
事役夫三十餘人路未成會李遷東川路今轉運使  
工部郎中集賢較理田諒至審其績狀可成故喜猶

已出事益不懈於是斯役實肇於李而遂成於田也  
嘉祐二年三月田以狀上且曰虞卿以至和二年仲  
春興是役仲夏移去其經營建樹之狀本與令圖同  
臣雖承乏在臣何力願朝廷旌虞卿令圖之勞用勸  
來者又拱之總役應用良祐應之按視脩創達之採  
造監領皆有著効亦乞陞擢至于軍士什長而下並  
望賜與以慰遠心朝廷議依其請初景德元年嘗通  
此路未幾而復廢者蓋青泥土豪輩唧唧巧語以疑  
行路且驛廢則客邸酒爐為棄物矣浮食遊手安所

仰邪小人居嘗爭半分之和或睚眦抵死况望要路  
無有在家遲行人一切之急射一日十倍之資顧肯  
默默邪造作百端理當然爾響使愚者不怖其誕說  
賢者不惑其風聞則斯路初亦不廢也大抵蜀道之  
難自昔青泥嶺稱首一旦避險即安寬民費斯利害  
斷然見曉烏用聽其悠悠之談耶而後之人見已成  
之不易不念始成之難苟念其難則斯路永期不廢  
矣簡夫之文雖磨崖鏤石亦恐不足其請附于尚書  
職方之籍之圖則將久其傳也

宋忠烈吳公祠記

宋胡世將 學士

仙人關古用武之地北控吐番東連岐雍西通蜀沔  
忠烈吳公玠五世世守於此以備金虜西土之人免  
左衽之苦得安且樂者咸公所賜也厚惠深恩豈若  
為祠以報不亦可乎於是建祠三楹請諸權宣撫使  
寶文閣學士胡世將以記世將曰昔東漢張奐破南  
匈奴制東雷襲烏元降鮮卑使天下之人不淪於左  
衽而漢室以安未聞郡邑以祠之者既為武威太守  
百姓以其平均賦歛訓諭義方以止殺子之俗民乃

為與立生祠夫安天下之功孰與安一郡之功止四  
夷之殺孰與止一子之殺然而天下忘其功而失其  
所事一郡思其德而恭其所祠其故何哉大抵存社  
稷者天子有不能忘故鼎彝之所銘竹帛之所書太  
常之所紀雲臺之所繪者皆所以旌其功也至於德  
及生靈而民心之所愛慕者必生立其祠蓋祠所以  
寓其私耳公之生祠民建於此是亦武威之祠與也  
雖然觀公之功在社稷則非與之比也金人犯陝時  
忠烈公以一旅之衆攻百倍之師所向克敵公之勇

冠三軍富平之役議格不行六路盡陷忠烈公收散  
卒保鳳翔之西和尚原敵乘勝急攻謂可談笑間破  
也是時軍皆烏合上下內外不相信公為統領與諸  
將誓以無忘國家言出於誠人人感泣公知人皆可  
用遂與弟璘定計而後戰敵大敗不能返全軍幾陷  
獲楊竒字董後一年移屯青野原明年敵率瀚海契  
丹之師虜燕齊秦晉之眾奮勢直攻蜀地大震忠烈  
主於內璘率諸將力戰以却之而蜀遂以安暨忠烈  
公捐館命璘以都統出兵秦隴恢復中原而敵盛兵



守秦璘公親冒矢石率衆攻之一日而破敵復會諸  
屯陳於剡家灣乘高擊下意氣甚盛公揮軍渡渭背  
水而陳衆以為不便公曰非爾所知夜潛師畢登出  
其不意敵已驚視是時五軍成列公復令匿其旗幟  
之物以疑之敵謂大軍在後愈亦自咲既戰命發弓  
弩先破其驍銳然後以短兵乘之鏖戰終日敵不能  
支殲夷殆盡於是虜屯諸壘者咸狼狽東走其民亦  
日望王師之至公乘勢長驅勢若破竹遼朝廷與虜  
講好宣撫司檄諸將班師公遂振旅而還嗚呼自古

守蜀或守於漢中或守涪城皆棄險處內棄險則易  
攻處內則衆搖所以中原之兵一涉其境而國以喪  
未有忠烈公守蜀於咽喉之地而安之危也至公則  
又復以所部出攻大敵而連破之敵始膽落而心驚  
矣夫蜀處吳之上流猿臂勢也保蜀所以保吳自兵  
興以來有功於社稷孰與公大天子以節鉞之權賜  
之尊禮加寵於公其於報功至矣然全蜀之民離俘  
虜之震而遂生養之樂其何以報其德哉河池與敵  
接壤德公尤甚乃建立生祠以見其誠雖然與之功

德具於一方有事之初公之功德施於天下多事之際  
與雖不可與公儷公則無媿於與也故為記以勒其碑云

宋安公大資宣相生祠碑 宋白知微

河池春秋氏羌地也提封百里接於梁洋之境自漢  
唐迄於我朝熙寧俱仍為縣或隸於武都或隸於鳳  
州沿革靡常紹興初金虜寇梁洋朝論以此邑為蜀  
之門戶始制宣撫大司以塞虜衝頗得平焉開禧丙  
寅虜復犯邊西人恐遼丁卯之歲逆曦不軌焚蕩其

邑僭稱偽號謀分虜酋出梁洋欲圖全蜀為王畿  
地而河池為曦父祖世守之地入蜀間道必首汙塗  
炭之患人情洶洶不堪其慘安公大資宣相倡忠義  
誘豪客排闥誅剪迅於震霆上以置宗社磐石之固  
下以息士庶擾攘之苦而吾人生命賴以保活全蜀  
仰戴而區區之誠莫之以報也嗚呼金虜猖獗逆曦  
竊據為害甚大微安公宣相削平僭叛則郡邑為糜  
爛魚腹而庠序之樂田畝之利不可得也夫有及人  
之德者不可不崇有被世之勲者不可不報安公勲

德格天恩惠及人若西土之人何忍忘言築祠以報  
不亦美乎僉皆忻諾遂卜地於仙人閔迺公隨軍轉  
運駐節之處且地兼群山羅拱衆水環遶草木森鬱  
爛若錦綺真古神仙蹟也乃推鄉英以董其役為祠

三楹週以垣墻門闌之屬靡不具備煥然新一方之  
觀覽於是為勝矣工既落成父老童稚爭奉香火拜  
瞻威儀已而士庶相慶舉酒而歌之曰山如壁兮江  
秀深秋錦爛兮仙人蹤杳公福壽兮愈熾榮大成四  
海兮慰蒼生歌畢退而銘諸石以識夫惠利之傳於

無窮也公廣安人名丙字子文資政殿學士大中大  
夫四川宣撫使宋嘉定二年三月清明日記

重脩廟學記

洛陽劉健大學士

我皇明法古為治學校之設徧于海宇然而教化  
之行人材之出不能以皆盛此蓋繫之司作興之責  
者何如耳作興得其人則雖僻陋之域可使為文明  
之邦昔之人若文翁者守蜀蜀地僻陋有蠻夷風文  
翁遣其民就學京師又脩起學宮於成都招其子弟  
為學官弟子親飭勵之由是蜀地大化比齊魯此可

見已徼去長安西踰千里即漢河池縣地屢為羗戎  
所居其土風文化比之長安近地且有不逮况四方  
之郡邑之盛者乎故學宮宣聖廟雖建自國初而  
迫狹蕪陋不稱規矩士大夫咸病之郊縣劉君濟來  
知州事一謁廟之頃即有作興之意學宮後有山曰  
鍾樓去明倫堂後遠於是先即山巔建御書閣山  
之前明倫堂後建講堂堂之前為諸生舍十有二楹  
以聯屬山脉既又大取材於山取瓦甃於陶取羨餘  
之財於官於士民之願助者遂即明倫堂舊基稍西

建堂堂之前建大成殿殿之前建東西二廡戟與靈  
星二門以至學齋舍厨庫倉庾門垣之屬悉易舊以  
新煥然弘麗經始於成化丁未冬落成於弘治改元  
秋一舉事而使神明之莫享有嚴師生之瞻依得所  
此固能急有司之先務矣而劉君起家河南鄉薦優  
等平居事親以孝稱親終廬于墓三年有紫芝之應  
朝廷旌表其門閭可謂學行兼備矣以此作興倡導  
諸生則於急先務之中又為得其本焉夫學所以明  
道也道之講明雖有待於聖賢之遺言遺訓而其根



源則具於人之一心天之付畀人人均齊道固無往  
而不在焉况我 皇明之制凡學校無間偏州下邑  
皆有通儒之除授經籍之 頒賜其所以講明造就  
之者又非漢初比今劉君於徽之諸生作興倡導以  
言以身誠無怠于初心吾知徽之士風文化自是將  
丕振大行而人材之出彬彬其盛矣豈但如文翁之  
於蜀而已哉劉君於余為鄉人間以  
天子新即位入賀 京師過余道其事求為記余重  
其人且政能知先務故樂為之書然是役也其一時

僚屬有協相之力者若判官劉俊吏目陳大倫亦不可泯泯無聞乃併書于後以告徽之人及繼此而仕者使有考焉

重脩廟學記

蘭溪唐龍

吏部尚書前  
提學副使

嘉靖紀元春王正月龍受

天子命視學於闕西夏四月蒞徽州其學圯矣憮然興嗟亟命所司撤而新之時之長吏莫之能舉也明年御史鄭維新監督茶稅至州發官帑銀三百有奇申飭知州白松以經始焉又明年御史陳講嗣至發

米百斛有奇用備餼廩二君子之意弘矣松沓沓然  
莫究厥圖尋亦見斥知州朱純代之勤綜理之責嚴  
省試之程四年春二月乃用訖於成輪奐孔飾規緒  
用新宮墻巖巖齋廡翼翼二三子心懌神怡挾策鼓  
笥洋洋而興焉機至者易導也德奮者易振也龍於  
二三子有厚望矣二三子遊聖人之宮亦敬聞聖人  
之道乎夫聖人之道文質之謂也文無體以質為體  
質無用以文為用無體不立無用不行二者備而聖  
人之道得矣雖然性以習成者也化以俗著者也氣

以居移者也是故遐壤僻邑顛顛職職厥質儉矣而  
或苦於陋通都麗鎮交濟濟厥文靡矣而或傷於  
侈陋則廢禮侈則離實君子胥病焉夫州西阻秦隴  
東扼漢蜀岡阜層複林麓蔚蒼是故朴畧全而有質  
焉且白水經流通於巴江接於湘湖風氣既宣聲教  
亦暢是故聞見著而有文焉二三子推曲以致全因  
似以索真即近以企遠于是乎敦彛倫之本厚性命  
之原崇道德之實必曰聖人之質也章名物之數脩  
詩書之訓陳禮樂之極必曰聖人之文也名實以相

成本未以相承體用以相形則於聖人之道庶幾乎  
聖人曰文質彬彬然後君子二三子無憚為君子斯  
可也抑聞禮者不忘其初者也是故大圭不琢大羹  
不和雕簋之文不如汗樽之制朱絃之飾不如土鼓  
之音其所由來遠矣然則與其文而濡如孰若質而  
誠若乎林放之問尊如太山子成之說近于君子皆  
此意也二三子盍慎而求之

### 重脩廟學記

武功康海 脩撰

徽州即漢之河池縣勝國時始改為州明興因之遂  
歙郡志

為西方大郡成化未邠人劉濟來知是州廟學官署  
皆更建之而廟學規模視昔宏遠矣劉君去四十餘  
年廟學復敝嘉靖丁亥六月丁未監察御史段君汝  
勵與分守叅政成君文分巡僉事司君迪按歷是地  
相顧而嘆曰興賢育才之地使之至是非吾人之咎  
哉即日發粟具直付知州朱純氏量工庸材因廢拓  
新而巡按御史劉君濂適至協起事焉又四月而功  
用告成朱君以書請記於予予聞之人曰學之脩  
於前御史鄭君維新洎陳君講二君去工乃中

故段劉二君與成司二君力成之是舉也不愆候以  
勞民不循侈而溢費如此而諸君子之崇重斯文其  
心亦已至矣豈非西土士大夫之幸耶昔海自總角  
以至釋褐嘗望見當世士君子執事於斯者未嘗不  
以學校之教為己任自正德以後士君子之視學校  
分誼睽革不啻秦越之不相及也乃今有如是焉此  
海二十餘年之未覲也豈非西土士大夫之幸耶夫  
所謂教化者係諸學校而學校之政則自執事者倡  
而率之導而詣之故肄習有地儀刑有法然後士彬

彬然興起也夫子之殿庭崩塌地壤循謁者再拜而出若未覲見乃疑忌成俗州縣提調者敢遽然以為已任而作新之耶天下之廣吾不能知即關中觀之其廢者已七八而存者二三耳段君之言豈欺我哉予去歲見段君氣岸濶大務多長厚有體裁不數日又見劉君往巡是地其意度思維與群殊也嘗語人曰西方比年多故乃何幸得兩君子按治其地民由是安枕矣乃又有是事焉彼終日役於簿書期會之間來也若繫去也若脫者聞兩君子之風詎不興感



矣乎朱君能思務所先不群流俗固守令之傑然者  
均不可無記以詔後來於是述其始末俾之刻石而  
又繫之以辭曰夫子之道德具在方冊徽之多士其  
亦因諸君子作新之意以自新乎此諸君子之意而  
汝多士所以聚而求之者也於此而不知所用心焉  
則亦且以貽諸君子之羞矣非西土士大夫之所幸  
與予之喜談樂道乎是者也多士尚亦重自勉懋乎  
哉

啓聖公祠碑

前人

聖天子以孝道理天下凡典禮因循大義疑似者輒釐正之舊先師廟堂嘗以顏曾配享矣顧其父皆列廡下數百年來居而弗思以為當然邇以廷議有感聖心於是詔以啓聖公建祠廟庭之後而以顏路曾皙配夫啓聖公篤生聖人刪述六經師表萬世其有功於彝倫莫重也凡名位勲伐之臣莫不推恩以及其先人况聖人之父乎顏曾子居父上其心固不能自安矣灌獻雖隆何以享焉

聖天子推是心以裁正是典則所以敦厚彝倫崇

直可以度越百王三代明辟但可彷彿而  
已於乎哉河間周君作守徽州克遵皇訓遄遂  
落成以為絕世之典當啓後觀走使徽文刻之真石  
海竊感焉夫周君闕西良吏也政脩教舉吏畏民懷  
近所罕覩况事闕名義我何以辭於是繫之以辭曰  
惟皇建極克邁鴻猷衷睿思何訓弗求大禮之  
定百王啓羞唐虞比德况彼商周漢宋罔稽世乃效  
尤言既不順名則胡由是匡是即皇履允迪益求  
大顛疑似靡襲遂及群典維正是亟啓聖之建名義

乃勅既欣神理亦示民極闕宮窿窿良守所緝位序  
既嚴享祀何忒皇訓在心 彼朝日允言念之世萬  
何斲

增脩徽山書院記

清江龔守愚提學副使

書院之建何沿乎夷考古之教者有塾庠序學之異  
蓋提封廣者生齒繁運祚隆者規制備匡直輔翼變  
夷居之風朋友講習收麗澤之效絃歌相聞非侈觀  
也板築相望非厲民也故挑達城闕而制興不 鄉  
校而頌作推校聞見靡不由斯洪惟清朝樂育之化

遠紹四代里社有學古家塾也郡邑有學古州序也  
兩京有監古國學也惟是黨庠之制若未遑然是宜  
孤陋猶失於漸摩跖弛或逾於繩檢大雅君子有惻  
於衷爰建書院用最多士居肆成事取賢歛材化原  
可敦何必令甲以義起之其諸古之庠乎徽之良維  
有山曰鍾樓岡巒深秀望之蔚如也其下有地一區  
延袤爽塏即之豁如也嘉靖丙申侍御新野劉公來  
董茶馬之政以學舍湫隘召諸生指示之曰此可以  
居子矣乃發茶課若干緡屬之知州莫汝高度地掄

材建堂分號榜曰徽山書院越明年正月侍御寧陵  
胡公巡按至徽拜節山椒凝睇院堙猶病弗宏爰議  
增拓維是邊備憲副馬君直卿分巡僉憲白君應衡  
議以克合乃發公帑銀以兩計者五十汝高奉以周  
旋使吏目劉錫監護厥工於是居民之密邇者悉受  
直願他徙乃建前廳五楹外門三楹儀門三楹肅矩  
範也門左右各有坊肇錫嘉名昭期待也山之巔建  
尊經閣資多識也閣東偏樹樓懸鍾警昏惰也繚以  
周垣翼以庖福松篁蔽虧庭除蠲潔諸士鼓篋而來

遊盍簪而相觀莫不心曠神怡爭自淬礪公曰古書  
院有山長今鄉貢士史衢皆州之良也乃招延之俾  
與學正徐行共秉教鐸衢等承命益虔章程條貫纒  
纒就緒蜚英鼓勇士有奮心焉君謂守愚承乏學事  
以記見屬竊惟徽國文公之在南康也時方多故而  
白鹿之役若或督之所謂悉心綱紀竭蹶奔趨者固  
不誣也而又為之賦以諷之為之規以警之微記於  
東萊以張之延講於象山以迪之何其勤也乃今侍  
御搜剔竒勝申飭綱維敷賁儒術勵翼化理所以作

人善俗者不遺餘力豈非曠世相感者哉諸士幾逢  
會適心遠地偏亦知從事文公之學乎文公之學其  
言平淡而無竒其功積累而不捷故好竒趨捷者恒  
訾焉然今談白鹿者若周辟雍談新安者若魯闕里  
乃知天下未嘗無鍾期也諸士尚慎所擇哉是故觀  
於深秀而仰高焉觀於爽塏而致遠焉矩範必端德  
斯久矣期待必崇業斯大矣陟於閣則思康濟之具  
毋以玩愒廢教也陟於樓則思叩鳴之益毋以壑谷  
敗名也邃傑近取精思力踐庸詎知河池之微不若



新安之徽乎乃若群居終日燕朋逆師惱淫而即安  
怙侈而滅義則是困而不學待而不興雖州序亦贅  
設矣况黨庠乎守愚樂觀厥成且恐無以副盛心也  
故既為侍御公頌又為二三子規

新修巡茶察院行臺記

高陵呂柟

禮部侍郎

徽州火鑽鎮舊設批驗所與秦州駱駝巷稍子鎮同  
後至巡茶劉君俱奏革去惟火鑽鎮官雖革而印未  
繳也嘉靖戊戌猶銓注一大使然而予所無衙于官  
無事如虛銜耳戊戌之秋應天沈君中甫奉命巡茶

陝西至火鑽鎮嘆曰此地去徽六十里程去秦二百里程而茶馬由是通焉豈可以無官守與公署哉况虜酋一寇衆踰十萬近者吉囊俺荅之種最號精強而哈喇慎亦黠虜也不時南侵墻堵而來雖有秦鞏臨平甘寧固靖諸路之兵然衆寡不敵又多軟脆望塵奔遁莫敢支持人徒以為虜強而我弱也殊不知禦虜在士奮士在馬畜馬在茶行茶在公署公署不立而欲茶之行者鮮矣茶課不足而欲馬之畜者鮮矣馬力不齊而欲士之奮者鮮矣軍士不奮外欲攘

敵以却虜內歆安夏以保邦者未之前聞也然則火  
鑽鎮察院行臺之建豈可少且緩乎君乃先行廣寧  
開城七苑查見在大小兒課駒馬萬有四千有零其  
倒死拐逃被盜者皆備查其數比之原額率虧損十  
三焉如是而茶課猶縮保寨猶敝馬之不寢耗以亡  
者幾希雖有塞淵之心其如雲錦之群何哉爾乃令  
漢中府歲辦地畝課茶五十四萬依期起運禁茶園  
店戶盜賣欺隱而中茶商人領引之後不得輟轉興  
販別務生理久不完銷以稽國課雖山西諸處各該

原籍亦必監候家屬又令洮河西寧三道督察三茶馬官吏于運到茶斤不得收粗惡者於庫內以易馬而以甘美之茶給商人又令守巡叅將諸官責各衙門巡捕官即理巡茶而西戎土番疊溪松茂以至西寧嘉峪諸處私販茶徒不得肆行潛通番人易其馬又令各驛遞衙門於發到擺站瞭哨茶徒納工拘役及貧病者各有所處又令甘肅二行太僕寺及陝西都行二司嚴視官軍馬匹不得走失瘡癩而椿朋地畝馬價亦皆及時完徵并禁官馬不得馱載私物減

其糧料又令派定空閑牧軍守候茶馬一到即時俵  
領勿得守至旬月致馬瘦損至嚙柱檻其各苑亦必  
相水草之宜而騰駒游牝各得其所圍長群頭皆不  
得惰偷閑曠以廢其業又令苑馬寺通行分管三路  
官員親詣各該監苑巡視寨堡務必高墻深塹堅實  
完厚保障地方收斂馬匹勿致損失夫漢茶有招馬  
之令番人有市馬之樂監苑有飼馬之實寨堡有護  
馬之所行之數年雖騾牝千億亦可覩也比物四驪  
不啻言矣徽守刺史王時雍言沈君存心正大行事

嚴明合省官員皆敬慕之宜其錫馬蕃庶強壯邊圉  
如此也行臺正廳三楹東西廂房共六楹後廳三楹  
東西廂房亦六楹三門大門各三楹若大使之宅第  
則行臺之西亦不下一二十楹器用諸物皆具是役  
也始於嘉靖十八年五月初十日落成於本年九月  
二十七日未幾沈君已竣事去還朝矣去行臺之第  
二年庚子七月徽人來速記予遂述其所聞美政一  
二以告後來沈君諱越中甫其字也別號鹿村南京  
錦衣衛人起家嘉靖壬辰進士

詩

青雲驛

唐元稹

峒嶺青雲嶺下有千仞蹊徘徊不可上人倦馬亦嘶  
願登青雲路若望丹霞梯謂言青雲驛繡戶芙蓉閨  
謂言青雲騎玉勒黃金蹄謂言青雲貝瑚璉并象犀  
謂言青雲吏的的言如珪懷此青雲望安能復久棲  
路途信不易風雨正淒淒已恠杜鵑鳥先來山下啼  
歸家塵霧黯忽遇蓬蒿妻延我開蓬戶鑿竇宛如圭  
送巡來叙別頭白顏色鰲饋食頻叫噪假器仍乞○

嚮時延我者共拾藿與藜乘我牂牯馬蒙茸大如羝  
悔為青雲意此意良噬臍昔遊蜀關下有驛名青泥  
問名意慘愴苦墜罕與狴雲泥異所稱人物一以齊  
復聞閭闔上下觀日月低銀城葉珠殿玉板金字題  
大帝直南北群仙侍東西龍虎儼隊仗雷霆轟鼓鼙  
元君理庭內左右桃花溪丹霞爛成綺素雲輕若綈  
天地光灑灑瑤草綠萋萋衆真千萬輩柔顏盡如美  
手持鳳尾扇頭戴翠羽笄雲韶互鏗憂霞服相提携  
雙雙發皓齒各各揚輕枝天祚樂未極溟波浩無隄



穢賤靈所惡安肯問黔黎桑田變成海宇縣烹為齏  
虛皇不顧君雲霧重重翳大帝安可梦閭闔何由躋  
靈物可見者願以諭端倪蟲虵吐雲氣妖氛變虹霓  
獲麟書諸冊豢龍醢為鷄鳳凰占梧桐叢雜百鳥棲  
野鶴喙腥虫貪饕不如鷄山鹿藏窟穴虎豹吞其羸  
靈物北靈境冠履寧甚睽道勝即為樂何慙居稗梯  
金張妙車馬於陵親灌畦在梁或在火不變土與鵝  
上天勿行行潛穴復悽悽吟此青雲翰達觀終不迷

木皮嶺

唐杜甫

首路粟亭西尚想鳳凰村季冬携童稚辛苦赴蜀門  
南登木皮嶺艱險不易論汗流被我體祁寒為之暄  
遠岫爭輔佐千巖自崩奔始知五岳外別有他山尊  
仰千塞大明俯入裂厚坤再聞虎豹闕屢跼風水昏  
高有廢閣道摧折如短轅下有冬青林石上走長根  
西崖特秀發煥若靈芝繁潤聚金碧氣清無沙土痕  
憶觀崑崙圖目擊玄圃存對此歎何適默傷垂老鬼

積草嶺

前人

連峯積長陰白日遮隱見颼颼林響交慘慘石狀變

山分積草嶺路異明水縣旅泊吾道窮衰年歲時倦  
卜居尚百里休駕投諸彥邑有佳主人情如已會面  
來書語絕妙遠客驚深眷食糜不願餘茅茨眼中見

嘉陵江

唐雍陶

離思茫茫正值秋每因風景却生愁今宵難作刀州  
夢月色江聲共一樓

夜宿嘉陵江

唐武元衡

悠悠風旆遠山川山驛空濛雨作煙路半嘉陵頭已  
白蜀門西上更青天

才  
去

二日

嘉陵江聞水聲寄深上人 唐韋應物

鑿崖泄奔湍稱古神禹跡夜喧山門店獨宿不安席  
水性自云靜石中本無聲如何兩相激雷轉空山驚  
貽之道門舊物我了此情

過青泥嶺 宋趙抃

老杜休誇蜀道難我聞天險不同山青泥嶺上青雲  
路二十年來七往還

過鐵山 前人

暫留山驛又晨興西望旌旄想舊朋三院華簪曾對

直兩川兵印復交承年光頭鬢華如雪世態心情冷  
似水境上憑詩遂遠意青泥寒曉入雲登

頃歲從戎南鄭往來南鳳追憶舊遊友

宋陸放翁

苦戍蠶叢北頻行鳳集南烽傳戎壘密驛送客程貪  
春盡花猶折雲低雨半含種畬多菽粟藝木雜松楠  
婦汲惟陶器民居半草庵風煙迷棧閣雲霓起秋潭  
城郭秦風近村墟蜀語叅快心逢曠野刮目望浮嵐  
考古興時感無詩每自慚嘉陵最堪憶迎馬柳毵毵

首陽洞

宋仲呂

地秀山靈勢插天  
傳聞古洞隱神仙  
千年舞鶴時鳴  
潤五色儀鳳已憇田  
藍水遠流丹井列  
碧雲長送玉樓前  
我同官友來瞻景  
不忍回車意介然

金蓮洞訪張三丰

毘陵胡濙

禮部尚書

香書久慕下無邊  
遍訪丰師感應虔  
萬載紅巖主玉  
蕊千年碧洞結金蓮  
雲深喜見通明日  
雨驟知逢黯  
淡天峭壁真光熬  
永劫赤心願覩白衣仙

過鉄山

安成伍福 提學副使

朝發河池郡日薄風色寒霜乾馬蹄疾步步躋層巒  
崎嶇繞澗谷鳥道多折盤危橋架懸崖深溝瀉飛湍  
登眺六十里巖嶮千萬般行行至絕頂積雪駭竒觀  
鉄山古所稱壁立出雲端仰接霄漢近俯視輿圖寬  
屏障扼劔閣形勝壯秦關衆山在其下勢絕邈可攀  
伊昔宋良將義烈何桓桓屢賊曾藉此舊壘榛莽間  
善戰貴得地孰謂兵法難經過感遺跡拊膺每長嘆  
揮毫挹靈秀題詩刻孱顏

過仙人關

邃庵揚一清 大學士

樹外蒼雲雲外山數間茅屋又無椽傍人指點雲深處此是仙人不老關

過鐵山

前人

樹轉岩迴白晝陰鐵山高處一登臨山靈漫道剛於鐵何物能磨鐵漢心

徽臺有感二首

沁水常賜御史

花柳爭開鏡裡顏一春消息透秦關酒傾滂水盃中月夢破粟亭腳底山野眺期年催驛馬遙瞻指日到仙班烏臺駐節饒清興幾度星移月影灣



詩思饒入敢浪誇天邊風景不須賒  
山岫蘿月籠幽戶雨點蒼苔襯落花  
花裡光陰消逆旅客中情況寄誰家  
與君咫尺橫千里清夜想思夢有涯

興禪院

洛陽喬縉

叅議

路入招提一徑通曇花祇樹已成叢  
半簾明月穿禪榻一溪清流湛碧空  
老衲尚嫌金界冷維摩自喜梵宮崇  
禪心已作沾泥絮愁聽笙歌聒醉翁

重至徽山

東渠李璋

都御史

繞看霜葉舞溪前春事俄驚又隔年  
花引柳絮紅映

雨草聯山色翠浮烟道傍青塚悲新土雨後黃壤產  
舊田歲月轉九身易老可能籌策為安邊

遊北禪山寺有述

東岡李昆 兵部侍郎

迢遙迷曲徑杳靄認巖扃鍾梵音遠松杉曉露零

林堂風不絕石室霧常冥壁古丹青重山尊雲物靈

224

堦空呈虎跡潭靜起龍腥禪海翰僧籍

國初天下僧籍皆納於此

寺珠龕貯古經中峯飛薄靄西麓走驚霆返駕衝花

塢行旌傍鶴汀遠村連樹黑暮雨雜煙青城郭歸來

晚飄飄百念惺

宿北禪山寺次東岡先生韻

郡人郭從道 兵備僉事

日暮投蕭寺 捫蘿扣竹扃  
半山斜日轉 滿院木蘭零  
古殿風聲靜 幽窓夜色冥  
鳥鳴雜梵語 虎嘯動山靈  
石瀨寒流玉 鶴煙氣避腥  
叢林千載勝 法界幾人經  
寶塔殘遺像 金光蕩疾霆  
片雲出遠岫 雙鷺落前汀  
明月懸空碧 曇花逼眼青  
平生林壑趣 對此覺惺惺

登吳開府 玠故城

李昆 見前

平礎煙蒼蒼 清溪山宛宛  
飛蓬隱斷碑 斜陽照荒畹

故壘猶可依遺勳復誰挽感此重躊躇邈矣空懇悵

宿徽州

升庵楊慎 修撰

灑氣橫空雨露天胡朝為暮雨連連客中多少思鄉  
夢却被金聲破枕邊

徽臺感興四首

中川陳講 都御史

千峯萬壑赴河池愁向荒原吊古祠運去將軍空死  
國時危工部滂題詩雪霜楓葉橫蕭寺風雨梅苔長  
斷碑落日高城迷悵望何堪永夜角聲悲

萬堞霜涵紫氣清短簷乾鵲報新晴寒泉谷靜雲流

細古木臺高雪積平隴笛吹殘鸚鵡夢洞簫吹落鳳  
凰聲碧窓深鎖憐予寂一夜歸心看月明

孤城吟望遡寒風景物蒼茫感慨中金水雲邊聲擲  
谷鉄山雨外影磨空草深塞北肥胡馬雪擁關南阻

蜀鴻長劔倚天歌突兀興酣何處覓箏筒

黃葉蒼苔去路迷寒城曉柝擊烏啼海天日近長安  
北錦里雲連劔閣西歲晏有人還白水霜高無鴈度  
青泥世塵荏苒怪蓬鬢山月江風負杖藜

栗亭別郭省亭先生 前人

東旭弄新晴驅車出城闈憐予淹道路惜汝困風塵  
卞氏無知己蘇章有故人褰衣三舍遠握手十年真  
對酒栗亭下高歌蘭渚濱乾坤催歲暮日月歛西輪  
絕岫扳窮嶺橫川渡遠津臨岐還惜別按劍歆傷神  
柳媚長安日花嬌上苑春伏龍看雨化屈蠖奮時伸  
湖海升衢晚風雲變態新鴻名驚霹靂壯志峻嶙峋  
邈矣超遐步何慙天地身

徽山書院落成

新野劉夷卿御史

書院初成報我聞諸生從此得陶鈞孝廉培養千年

脉忠義流通萬古春堂構高明開樂地文章矜式勒  
貞珉他時成就應難量次第雲霄看鳳麟

虞關道中

前人

白水遠來天際青峯近插雲中一曲山歌樵子半簑  
烟雨漁翁

宣靈王廟

鈞陽馬紀副使

廟貌崇王祀忠貞歷代存春風父子谷夕日鳳凰原  
茂樹巢鳶語新晴陌柳蕃明神知節義天使吊英魂

杜子美祠

漳源張鵬

御史

杜子祠登傍翠隗西風日日上高臺光搖萬丈詩千  
卷迹寄殊鄉酒一盃瓦落空墻飛燕笑苔封古砌草  
虫哀思君丰采瑤池隔擘霧穿雲見月來

宿火鑽行臺

鳳泉王邦瑞 兵部尚書

下馬孤亭客路長萬峰迴繞鬱蒼蒼山川不盡皆文  
物禾黍猶存幾戰場破口遠連江水白隴頭近是塞  
雲黃危途總有登臨興無柰猿啼歆斷腸

徽州道中間俗却謂有仙人崖者

濯溪問東都御史



十里五里入深谷  
山古風清真太樸  
老人笑指梅

崖白雲深處仙人屋

清涼山舍飮胡麻  
風雨馳驅踏九霞  
一笑寒山人未識  
玉簫明月天之涯

鳳凰山堂同郭省亭憲使坐序

陳棐見前

萬里孤槎客仙舟  
此際君山光堪互合  
春色報平分  
勝覽乾坤際  
論交氣槩雄  
詩談虎谷  
雪人坐鳳峯雲

是日談王虎谷平生得意

最愛深山踏雪行之句

殷邵志

六

瞻少陵祠

少宇木賢御史

九日成州道千年杜甫祠  
松留雲覆屋菊帶雨垂籬  
秋老歸鴻急山回去馬遲  
無能荐蘋藻吟眺有餘思

過杜甫祠次少宇先生韻

郭從道見前

老杜芳名遠高原見古祠  
愛時悲去國採菊向東籬  
白水江聲轉青泥鴈影遲  
草堂一以望千載抱幽思

徽州院中較士

松屏詹理御史

較藝河池集衆才包中餘四有餘  
道吾幾簡能鑽

破氣塞乾坤直養培風雨忽驚毫彩落雲烟暗入墨  
花來瑚璉總是明堂器莫向荆山泣璞瑰

徽山試士

靜山鄭存仁 御史

雲霞極目晚晴光飛蓋遙瞻閱士行開府喜傳周制  
作山城快覩漢冠裳雨餘桃李盈堦潤風動芝蘭入  
座香明世車書同萬國應知文教盡遐荒

徽山八景

楊美益 見前

雄峯凝霽色萬仞立雲端漾水孤源遠青泥九折盤  
境分天路迥光映劔鋸寒宋將摧金處披圖仔細看

其二

煉藥何年洞脩真孰此來諸峯爭秀出古澗自滌迴  
赤脚終難訪丹經祇見猜幽林空映碧白鶴獨清哀

其三

鳳山遺廟古翬麗入煙雲錫爵千年典英靈百世芬  
狂謀先奪魄獻醴不忘君忠義疇能並斑斑石上文

其四

突兀浮蒼翠何人結靜緣崑崙形疑半月洞響有微消  
天竅雙眸炯如來一鏡懸鐘聲通水口松桂偃青蓮

其五

金酋窺蜀志二將赴援情畫地期相守登樓轉見勅  
冒圍吾計定奮擊虜魂驚撫背勞宸札仙闕壯夙名

其六

大散分流遠穿秦復控巴灘頭急羊乳城外隱蝦蟆  
舟楫風濤濶魚龍水國賒海門通萬里歸興欲乘槎

其七

百畝潛神沼瑩然一鑑澄龜蛇分異象暘雨著明徵  
歲祀民無數侯封宋有仍車從祠下式仰德豈忘競

其八

少陵曾入蜀，顛賴此中過。冠至君誰守，詩留怨未磨。  
木皮凌詰屈，白峽引嵯峨。龍去知何地，寧同古挈戈。

次楊受堂道長韻 雲洞山人 御史

鉄嶺參天立，孤高映日端。霞凝紫蓋合，雲繞翠圍盤。  
勢重千年鎮，岩幽六月寒。扳緣應費力，正回任君看。

其二

地豁金蓮洞，仙曾煉藥來。跡留人不見，山頂鶴空迴。  
草樹自春色，螺峯作畫猜。月明清夜裡，幽壑聽猿哀。

其三

鳳山高莫躋，峯嶽礙飛雲。  
護日松垂蔭，依崖花自芬。  
澤流沃下土，靜鎮儼中君。  
誰向林禔處，昭勲勒石文。

其四

暇入禪林裡，高僧了宿緣。  
石床花雨淨，山澗水流消。  
一指未能悟，三生空自懸。  
如來灰百慮，鉢內起香蓮。

其五

當年金犯蜀，烈士不勝情。  
劔耀山河動，旂搖氣象勗。  
孤忠危地立，萬虜逆魂驚。  
拒寇功難再，雄關獨有名。

其六

百折嘉陵水滌迴繞漢巴  
芳洲飛振鷺夾岸少癡蟆  
擊節懷何壯臨流興更賒  
好乘春浪急觸斗泛仙槎

其七

太白照竒勝龍湫一鑑澄  
靈涵興寶巖潭翕隱休微  
氣結祥雲見膏騰樂歲仍  
仰瞻非獨象維烈却無競

其八

栗亭存古道忻策使車過  
景行思前哲憂時恨未磨  
腸迴漢水折氣出徽山峩  
今幸值清暇中宵不枕戈



宴昉育池

少岳梁汝魁

御史

誰謂山城淡寂寥，亭臺虛敞枕高岡。  
魚翻芹藻波痕亂，鳥弄薔薇日影忙。  
柳外移尊依釣艇，花邊鼓瑟傍銀缸。  
來遊并是清時彥，公暇何妨醉夕陽。

登徽州城

甄敬見前

十月郊原落木繁，崇城吟眺俯晴軒。  
江分蜀漢通元氣，山控華夷列塞垣。  
風動伶倫還欲舞，雲開鸞鷲見孤鶩。  
家園回首三千里，覽勝翻銷遊子魂。

徽州閱兵發護金陵賦此

葛村周瑤副使

南國兵戈未定居  
山城羽檄遠征車  
千人應募鳴刀處  
萬里從軍教憶餘  
鵠鵲觀懸天月滿  
鳳凰臺望海雲踈  
何能摩揜還歌凱  
宣室應將前席虛

秋日同裕里邵公登鳳凰山

少洲馮惟訥副使

鳳凰高閣俯晴空  
萬里蠶叢此路通  
遠近川原秋色裡  
參差草樹夕陽中  
尊前舞袖翻霜葉  
天外清笳咽塞鴻  
回首舊遊成夢隔  
獨將遲暮歆征蓬

再至徽山別省亭先生 前人

河池近接鳳凰臺使節常隨候鴈來  
塵世幾逢桑葉熟山城再見菊花開  
淹留絕塞悲馮衍笑傲清時郭隗便  
敬與君成遠別春風去剪北山萊

天門山

郡人任旒知縣

萬丈雲頭洞啓門巨靈擘後倚乾坤  
鳥飛憚舉凌摩翼猿上空銷度越魂  
何敢帝庭窺遠邇只知人世易朝昏  
果然有路通霄漢欲把榮枯問大元

登興善院

郡人任倫推官

步上祇園眺望餘溪山河處不煙霞心懸 帝闕三  
千里春滿山城十萬家自見碧桃倚上苑誰憐芳草  
傍天涯歸來策馬心應急微雨黃昏一徑斜

黎坡道中

郡人任繼賢

州同知

山行尋曲徑風景豁雙眸路轉羊腸拚溪分燕尾流  
危橋通鳥道古洞隱龍湫怪石如蹲虎枯松欲化虬  
魚關托漢口鷄壁壯山頭絕巘群峯迥林深萬壑幽  
山花浮晚翠野草遍春稠應感千年事回憐十載遊  
歸來山寺宿落日暮雲收

附

祥異

後梁乾化元年岐王劉知俊擊蜀知俊與王宗侃戰于青泥嶺蜀兵敗績

宋寶元二年乙酉長舉縣有鵲羽毛潔白嘴足皆赤不類常鵲 宋淳熙十四年三月河池人乏食 十六年冬河池荐饑是年七月隕霜害稼 開禧二年十二月吳曦焚河池退保青野原

國朝洪武二年魏國公徐達統兵伐秦徽等處俱歸

附 三十年漢中府沔縣吏高福興糾民田九成僧  
李普治為亂入徽焚州治學正顏叔彬苑之

成化元年火焚民舍數十家 七年麥穀大稔 二  
十一年歲大饑人相食

正德六年七月蜀寇藍四等陷徽州閭總兵却之是  
歲大有年 八年九月民間婦產二男一女

嘉靖二年十月地震 七年九月大水 十三年地  
震巨盜馬興等倡亂三年乃平 是年五月夜雨雷  
雷擊死北城樓一男子 十六年六月甲申大雨雹

禾稼禽鳥多傷死者 二十年春三月不雨 四月  
天鼓鳴是年秋禾獲穗 二十二年秋大雨傷禾稼  
饑 二十五年夏淫雨彌旬大水 十一月大雨次  
日大雪 二十六年春大陰雨雪傷稼夏旱秋雨大  
饑訛言盜入城 二十七年戊申春民大饑死者盈  
野盜賊四起御史張公雨參議張公鈇僉事孫公梯  
許公樾賑之盜乃平 二十九年冬大雨雪 三十  
年大有年是歲民間一產三男 三十三年穀稔

三十四年十二月十二日夜地大震有聲如雷數刻

卷之三

乃止是夕之變閔中蒲坂之苦慘不忍言微與鄰境  
抑氣數之變亦是年冬栗亭獲三虎三十五年春  
幸而不之值耶

獲三熊于梁村 三月杜鵑鳴 三十六年黑背夜

撲人旬日乃息 二十八年十二月天鼓鳴 四十

年六月白鵲來巢

遺事

梓潼神應

逆曦將叛前事之數月神思昏擾夜數躍起寢中叱  
咤四顧或終夕不得寢意頗悔欵但已其弟覲力慙



憑之曰是謂駙虎顧可中道下即曦家素事梓潼自  
玠璘以來事必禱有驗乃齋而請是夕夢神坐堂上  
已被赭王謁焉因告以逆且祈卜年之脩永神不答  
第曰蜀王已悉安丙矣既寤大喜謂事必遂時丙以  
隨軍漕在魚關驛召以歸命以爰立丙願逆謀堅決  
觸之且俱靡惟徐可以得志不得已諾之猶辭相印  
遂以丞相長史權知都省事授之居踰月而成獲嘉  
之績

月中人妖

逆曦未叛時嘗歲校獵塞上一日夜歸笳鼓競奏鞞  
載雜囊曦方垂鞭四視時盛秋天宇澄霽仰見月中  
有一人焉騎而垂鞭與已惟肖問左右所見皆符殊  
以為駭默自念曰我當貴月中人其我也揚鞭而揖  
之其人亦揚鞭乃大喜異謀繇是益決德夫兄至蜀  
安大資丙與之譙親言之夫妄心一萌舉目形似此  
正與投楮天池者均耳月妖何尤

以上二則見  
岳珂程史

### 吳曦蛇精

宋吳曦四川制置使背叛受金國爵命稱吳王蜀將

吏多不願從李好義揚巨源謀誅之半夜用沉腦數斤炷香禱云今夜星月如許求雨一霎以下天心協贊湏臾果雨遂定謀作宋帝詔書率義士斬曦撫定諸軍聞朝夷族曦乃大制置璘之孫初大制置在蜀以殺金平叢茂恐寇匿其間將欲焚之而未幾口忽一老嫗携一子直至轅門曰聞制置將焚山此軍令不敢阻誤但某母子居此久未能便去願假一日容某遷避庶全母子性命吳叱曰是何妖物嫗曰必殺我我能滅爾宗族吳怒叱左右執之忽不見遂四面

縱火焚山明日巖下焚死一大蛇長十數丈一小蛇  
 長丈餘縱火時火焰中黑氣從東南方去時制置子  
 挺婦有娠生一子正焚山時也所生子即曦卒以叛

逆滅宗 見江湖紀聞

仙釋

劉道通重陽萬壽宮高真人之弟子由重陽宮來居  
 金蓮洞中脩煉兼曉符籙之法凡有疾厄求救輒效  
 及問雨暘禍福無不奇驗大德中守粟亭元帥田守  
 章以事聞于朝賜號曰清淨湛然真人

張法冲南徽州婺源人十七簪裳于龍虎山學道于  
天師府七載元貞乙未處長春以符藥入闕隴號清  
虛子賜清靜無為太師至治初脩煉于泥陽依聖宮  
法 劑澤民功成不知所終

公孫氏不知何許人有五子在州西七十里石室中  
學輕舉之術而登仙因名洞曰五仙洞中有五巨石  
存焉

真慧國師姓張氏栗亭人幼好善從佛氏教善通經  
律深解奧義元文宗御極聞之召遣大禧院官乘驛

置之京師住持大承天護聖寺授榮祿大夫司徒銀  
印一品賜號曰真慧國師後歸北禪寺四方叅問者  
甚衆至元癸亥六十有七忽作頌以示徒衆跌坐而  
逝弟子三百餘人火化獲舍利數粒師像法坐存

徽郡志卷之八終

刻徽志後序

嘉靖壬戌秋八月鵬年奉

命守徽居無何檢故案纂修郡志迺前守葛君之奇

請允

撫按兩臺越蕭君廷宣皆莫之舉也因詢諸鄉士  
大夫僉謂我志散失已久正賴公樂觀厥成爾予  
曰夫志所以紀疆理載故典闡人文彰往昭來徵  
一方文獻垂百代勸懲者也敢視為末務不亟圖  
之乎今春政暇萃諸文學搜羅故實敦請 鄉允

生省亭郭公秉筆撰次公博聞強識諳於往迹不  
閱月而脫稿體裁謹嚴評品精覈上下千餘年間  
因革是非鏡見無遺真足為一郡之信史備百年  
之缺典微之文獻自是不足徵乎雖然古者今之  
準人者已之鑑後之視今亦猶今之視昔也繼今  
宦於斯生於斯者觀是志而能有感焉則淑慝賢  
否舉在目中思齊內訟有餘師矣其有裨於世教  
甚大豈徒徵文獻而已耶募工鏤梓逾月告成是  
舉也役不淹時費不及冗屬當歉歲民不知擾需



出俸餘得少罄其綿力云時

嘉靖癸亥夏五月吉日奉直大夫知徽州事洛陽

孟鵬年謹書